



DODONÆI

1581

Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1822/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1822/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1822/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1822/A

4197 (2)
APOLLO

NII MENABENI ME-
DICI ET PHILOSOPHI IN-
SVBRIS, TRACTATVS DE MA-
gno Animali, quod Alcen nonnulli
vocant, Germani verò Elend, &
de ipsius partium in reme-
dica facultatibus:

ITEM
HISTORIA CERVI RANGIFERI,
& Gulonis Filfros vocati.


AD RVDOLPHVM II. IN-
VICTISS. ROM. IMPERATO-
REM AVGVSTVM.

Accessit Remb. Dodonæi Medici
Cæsarei de Alce Epistola.

COLONIÆ
Apud Maternum Cholinum.


M. D. LXXXI.

Cum Gratia & Privilegio Cæs. Maiest.



SACRATISSIMO ATQVE
INVICTISSIMO ROM. IM-
PERATORI RVDOLPHO II.
CAESARI AVGVSTO

Apollonius Menabenus Medicus.
S. D.

 **P**RÆTER egregiam
virtutis indolem, &
præclarum illud ingenij
acumen, quod in pleris-
que nobili genere natis
elucere videmus, Maxi-
me Imperator, summis
populorum principibus
prudens, ac sagacissima rerum omnium parens,
natura singulare ac diuinum aliquid elargiri so-
let, quo non modò ceteros longo intervallo supe-
rant homines: sed habere etiam aliquid commune
cum Dijs immortalibus videntur. Quo munere
multa egregia ab ipsis eduntur facinora: quæ,
cùm humanas superent vires, & mortalium vin-
cant expectationem, non sine causa apud alios de
se admirationem pariunt, & miraculi suspitionē
præbent. Hoc prudenter cùm animaduertisset ve-
neranda antiquitas, sanctos appellauit reges: &
quoscunque ex rebus gestis diuini aliquid habere
cognouit, à Dijs ipsis genitos esse, memorie prodi-
dit.

EPISTOLA

dit. Hinc ille Plato salubrioris Philosophiae pa-
rens: hinc ille Aesculapius medicae facultatis au-
thor, ad humani generis salutem ab Apolline
(ut creditum est) procreati, à priscis illis homini-
bus diuinitatis encomio: quod alter corporibus,
alter mederetur animis: decorati fuerunt. Sed ne
à regibus, & claris bellorum Imperatoribus no-
stra longius recedat oratio: quis dixerit Pyrrhū
Epirotarum Regem, cui (omitto res in bello præ-
clare, magnificeq; gestas) pollex dextri pedis fuit
tam mirabili virtute præditus, ut eius solo tactu
lienosis mederetur, diuinitate caruisse? præsertim
cū idem digitus, reliquaque membra post obi-
tum nulla ignis potentia cremari potuerint?
Quod cū præter naturæ præscriptum videretur,
corpus integrum religionis ergo in templo re-
positum, magnificentissimoq; sepulchro conditum
fuisse constat. Quis item non miretur strumas,
quas Græci Charadas appellant, ad motis quan-
doque methodicè, Hippocraticeq; auxilijs, nun-
quam tamen discuti potuisse: ab unis Galliarum
Regibus nullo fermè negotio curari potuisse? Par-
uo quoque negotio Reges Britaniæ, antequam à
fide Catholica deficerent, à grauissimo epilepsiæ
morbo correptos homines curare dicebantur.
Quisnam præterea est tam hebeti ingenio, qui in
C. Mario, tutissimo Romani Imperij propugna-
culo, nihil supra vires humanas fuisse arbitretur?
quandoquidem ferocissimus miles, natione Cym-
ber

DEDICATORIA.

ber, publico Minturnensium consilio missus ad trucidandum eum senem, inermem, squalore ob-
 situm, obscuro in cubiculo clausum, visa in tene-
 bris flamma ex illius oculis procedente, tanto viri
 splendore attonitus, rem aggredi non sustinuit: sed
 inde festinanter egressus, abiecto gladio, exclama-
 vit? Ego C. Marium occidere nequeo. Sed ut re-
 centiori quoque utamur exemplo: unde tanta
 Ferdinandi Regis Arragonum maiestas? unde
 tam venerabilis illius aspectus, ut, quod neque
 precibus, neque minis extorquere poterat, id so-
 la quasi diuini numinis sui vicerit presentia?
 Pulsus hic, (inquam) fuerat à Carolo VIII. Gal-
 lorum Rege, atque Neapolitano Regno deiectus,
 Ischiam cum paucis militibus perfugerat. Dux
 cum illius arcis præfecto, reliquoq; præsidio solli-
 citus nunc rogando, nunc terrendo egerat, ut ipse
 cum suis militibus in arcem admitteretur. sed
 ubi solus illuc pedem inferre potuit, educto gladio,
 tanto animi ardore, tanta constantia, tam horri-
 bili aspectu irruit in arcis præfectum, ut eius mi-
 lites perterriti solo aspectu illius imperantis, ac
 veluti scintillas, flammæq; ex oculis spirantis,
 portam illico Regis militibus exitum rei foris
 expectantibus aperuerint. Cui igitur consenta-
 neum non videatur, eos ipsos, quibus diuino consi-
 lio summa rerum humanarum communicata est
 potestas, diuinitatis esse participes? cum hoc ip-
 sum in plurimis post hominum memoriam sum-

EPISTOLA

mo studio à viris sapientissimis observatum fuerit? Sed quid aliena exempla recenseo? cum tu maxime Caesar Rudolphe instar sis omnium regum, atque Imperatorum, quicumque aliquo singulari divinitatis numine ceteros mortales excelluerunt? Tam enim clarum, tam amplum divinitatis lumen iam effudisti, ut huius splendore omnia omnium exempla obscurare videaris. In ipsis enim Imperij tui foribus, atque in ipso statu tue flore, annum agens vigesimum secundum, summo studio, incredili animi ardore, singulari pietate, oculos, mentem, omnes denique cogitationes tuas eò conuertisti, ut Christianam Religionem diversis seditionibus laborantem, gravissimisq; incommodis affectam, erigas, foveas, ad pristinam dignitatem, morumq; sanctitatem proca, quæ amplissima est, Imperij tui autoritate revoces. Quo quid sanctius, quid divinius à Cesare prestari, aut expectari potest? Omnium enim virtutum fundamentum est ipsa pietas, & Religionis cura. Hoc pietatis officio, hac sanctissima Imperij moderatione quot homines à rectissima salutis via aberrantes ad mentis sanitatem iam reduxisti? Quot hominum mentes erroribus depravatas tuo gravissimo exemplo ad veritatis splendorem iam excitasti? Atque hæc Christianæ Reipub. vulnera, quæ immoderata cupiditatum licentia inflata fuerant, tanta consilij tui prudentia, tanta animi tui constantia sanasti.

DEDICATORIA.

nasti, ut multò plures sint, qui tuis saluberrimis institutis curari gestiant, quàm qui ex animo suo erroris morbum depellere negligent. Hac studia, hæc pietatis officia licet propria sint Caesaris, atque illius Caesaris, qui cum summa omnium populorum approbatione ad moderandas Romani Imperij habenas natus esse videatur: plura tamè, ac multò maiora incredibili celeritate, ac singulari sapientia præstitisti, quàm ab ista tua ætate erant expectanda. Laudabile est. n. Imperij sineis armis dilatare: sed nihil laudabilius fieri potest, quàm sacrosanctæ sedis Apostolicæ imminutam authoritatem prudenti moderatione in pristinum statum restituere; atque etiam, quoad eius fieri potest, amplificare. Illud spectat ad corroborandas ditionis humane vires: hoc autem pertinet tum ad propagandam veram Christi servatoris Religionem, tum ad parandam animis in cœlesti domicilio felicitatem. Conferantur nunc aliorum Regum, atque Imperatorum, si qua in illis apparuerunt, diuinitatis indicia cum his sanctissimis tui Imperij primordiis: hæc illis tantò magis anteponenda esse intelligemus: quantò publica priuatis, diuina humanis præstantiora esse iudicamus. Que enim illi diuinitus acceperant, vel ad paucorum hominum commoda, vel ad retinendam propriam incolumitatem adhibuerunt. Tua verò diuina virtus tum ad amplificandam Dei Opt. Max. gloriam,

A 4

rum

EPISTOLA

tum ad reparandam multarum gentium, ac popu-
lorum salutem, tua, inquam, divina virtus non
solum multis laboribus, ac periculis iam se con-
stanter exposuit, verum etiam omnium bonorum
animos in spem certissimam erexit, fore, ut ali-
quando uniuersa Resp. Christiana tui Imperij
robore à Barbarorum immanitate protegatur: ut
tuis auspicijs ab impietatis erroribus liberetur:
ut, te denique sapienter ad illius gubernacula se-
dente, in tutissimum tranquillitatis portum per-
ueniat. Itaque cogitanti mihi, atque animo con-
templanti Cesaream istam animi tui prestanti-
am, & præclarum iam spectatæ virtutis specimē:
quibus de te apud omnes expectationem concita-
sti, & cunctos mortales in tui admirationem
traxisti, verecunda quedam diu obstitit dubita-
tio; quò minus hunc meum libellum, qui inscribi-
tur Tractatus de magno an mali, tibi Maxime
Imperator prius dedicauerim. Ex hac siquidem
parte tuæ prestantissimæ mentis, amplissimaq; di-
gnitatis splendor me ab huius tam exigui mune-
ris oblatione deterrebat: illinc verò prudentissi-
mum aliorum scriptorum mihi probabatur con-
siliū, qui priusquam suas in lucem emittant lu-
cubrationes, alicuius clarissimi viri auctoritate
eas munandas esse existimant: ut, quod ipsi sum-
mo studio ad commune aliorum commodum ela-
borarunt, non solum ab inuidie morsibus prote-
gatur: verum etiam apud bonarum artium stu-
diosos

DEDICATORIA.

diosos fidem, gratiam, & auctoritatem sibi conciliet. Siquidem sacra ipsa templa, licet Pario exstructa essent marmore, licet Hymettys fulta essent columnis, licet auro, argento, signis, tabulis essent ornatissima: nisi tamen alicui diuino numini essent dicata, haud unquam tanta populorum frequentia, haud tanto cultu, tantaq; celebrarentur religione. Hæc honestissima ratio nunquam me tamen impulisset, ut has tenuis meæ industriæ primitias tuo sacro nummi offerre nunc auderem: nisi ex iactis præclarissimè tui Imperij fundamentis, mihi, ceterisque omnibus exploratissimum foret, te non multò magis teneri studio imitandi tuos maiores, qui rerum diuinitus gestarum vestigia, vel ad sempiternam sui nominis memoriam, vel ad imitationem tibi, ceterisque posteris in toto ferè terrarum orbe fixa reliquerunt: quam aliorum sapientissimorum Regum, atque Imperatorum exemplis delectari. Cum nulla igitur ætatis tuæ pars remota fuerit ab earum artium exercitatione, quibus ciuitates, quibus provincie sapientissimè reguntur, mihi dubium non est, quin illud humanissimum Artaxerxis Regis Persarum factum aliquando legeris, lectumq; tibi imitandum proposueris: cum ei obequitanti pauper quidam, & operarius homo nihil aliud habens, ambabus aquam manibus, è proximo flumine haustam obtulit, quam Rex non minus humanus, quàm potens iucundè suscepit, arrisitq; non rei,

A S

qua

EPISTOLA

que donabatur, utilitate, sed prompta illius, qui largiebatur, voluntate gratiam meritis. Non enim minus regium, & humanum existimavit vir sapientissimus parva libenter, prompteq; accipere, quàm magna tribuere. Fretus itaque tum tua ipsius incredibili erga omnes humanitate, tum illius magnanimi Regis imitatione, me continere non potui, quin hoc exiguum meae perpetuae erga Austriacam familiam observantiae pignus tuae sacrae obtulerim maiestati. Quod si animo lubenti (ut spero) susceptum fuisse cognovero, maximam inde spem concipiam, tam agresti animo fore neminem, qui in fronte operis inspecto Inuictissimi Imperatoris nomine, libenter non legat, ac de meis laboribus, meq; erga alios officio optimè non sentiat. Si enim paruum est, quod nos hic prestitimus: sub tui gravissimi nominis amplitudine videbitur maximum. Si antea fuit obscurum auctoris nomen, tuae clarissimae maiestatis splendore quàm plurimis innotescet. si humilis est huius operis materia, hoc incommodum cum mira quadam rerum novarum suavitate, tum praestantissima tui patrocini virtute compensabitur. Te igitur maxime Imperator Rudolphe Caesar supplex oro, atq; obtestor, ut, pro innata animi tui facilitate, pro optima, ac propensa in bonarum artium studiosos voluntate, hunc meum libellum in tua Austria elucubratum, iam tuis auspicijs in lucem editum, iam tui sacri nominis inscri-

DEDICATORIA.

*in*scriptione decoratum, tanquam patronus optimus, & maximus in tuam tutelam recipias. Hoc *Cæsarea* amplitudini non derogat: dignitati non repugnat: humanitati accommodatissimum est: mihi met ipsi summo ornamento, ac felicitati futurum: peritis quoque scriptoribus non solum de suis laboribus, ac vigilijs optimè sperandi erit occasio: verum etiam ad graviora studia vehemens animorum incitatio. Neque enim tot præclara literarum monumenta, quibus vel rerum gestarum memoria, vel optimarum disciplinarum præcepta continentur, ad nostram nunc extarent felicitatem, nisi olim summi orbis terrarum rectores sua humanitate fouissent eruditorum hominum ingenia eademq; incredibili favore prosecuti fuissent. Huius meæ lucubratiunculae, si tu *Rudolphe Cæsar Auguste* tuo patrocinio hanc dignam iudicaveris, præmium satis amplum me consecutum fuisse non solum arbitrabor: sed pro perpetua etiam tui Imperij felicitate Deum Opt. Max. assiduis precibus rogabo.

Vale.

BARPTO.

BARPTOLOMAEI ME-
NABENI CARMEN AD
Apollonium fratrem
Medicum.

Impulit heroas virtus tolerare laborum
Ærumnas, fama ut possent contingere cœlū.
At natura parens medicas specularier artes
Optime te frater docuit, penetrare per oras
Informeis visu, glaciale videre sub Arcto
Horrendū pelagus, tū immania monstra Getarū:
Atque ferae ingentis vires spectare salubreis:
Humano generi medicamenta ut inde referres.
Queis torpore iacens animus, prostrataq; mēbra
Æthereas veluti à letho reuocantur ad auras.

APPOL-

NE.
AD
APOLLONII MENA-
BENI PHYSICI TRACTA-
TVS DE MAGNO ANIMALI, GER-

*manis Elend dicto, & de ipsius partium
in re medica facultatibus,*

Præfatio.

IN vilibus etiam rebus ubique lo-
corum naturæ numen inesse, pul-
chrumque ingenium vigere his ver-
bis apertè declarat Aristoteles: Nulla res est
naturæ, cui non mirandum aliquid inditum
habeatur; & in ijs, etiam, quæ in hoc genere
minùs grata nostro occurrunt sensui, natura
parens, & auctor omnium miras excitas vo-
luptates hominibus, qui intelligunt causas,
atque ingenuè philosophantur. Hoc idem
probat Heracliti testimonio, quem in casa
quadam furnaria caloris gratia sedentem,
cùm fortè quidam alloqui vellent: ac ideo ta-
men ad ipsum accedere temperarent, eos
iussit ipse fidenter ingredi: quoniam, inquit,
ne huic quidem loco Dij desunt immorta-
les. Iure igitur optimo naturam iustissimam
sæpe numero vocavit Hippocrates: & Auer-
roës eandem diuinam nuncupavit: atque ip-
sius diuinitatem in imperfectis, ac vilibus
magis, quàm in perfectis elucescere testatur
his

P R A E F A T I O.

his verbis: Scientia naturalis plus ferè apparet in materia viliori, quàm in aliqua alia nobiliori. Difficilius enim introducitur generatio in materiam imperfectum. Neque hoc in artificialibus obscurum est, cùm nobilitas artificis, eiusque ingenij perspicacitas evidentior fiat in materia impassibili, quàm in ea, quæ faciliùs, ac ampliùs recipit. Hac mirabili naturæ solertia mihi satis perspecta, atque explorata, cùm essem Medicus Ioannis III. Regis Suecorum, Gothorum, Vandalorum, omnem mihi mouendum, vt aiunt, lapidem esse existimaui, vt siqua in squalidis, ac horridis Sueciæ regionibus essent scitu, ac memoratu digna, meo ipsius non solùm expiscarer labore, verùm etiam ad aliorum còmoda scriptis meis in lucem proferrem. Quod enim bonum est, vndique petendum, vbique probandum, ac ceteris hominibus, quoad fieri potest, communicandum est. Neque mihi videtur quicquam laude dignũ præstare is, qui ex amœnissimo prato, vel ex domesticis hortis seligendo ferta componit: sed ille, qui ex arduis locis, vepribus, ac spinis excerpit, aptè, concineque construit, aliquid egregium suscepisse iudicatur. Neque multum laudis meo quidem iudicio ijs tribuendum est, qui ea tantùm, quæ in vberri-


mis

P R Æ F A T I O.

rimis, vel amœnissimis regionibus sine periculo passim reperiuntur, nullo ipsi fermè labore requirunt, eaquæ solùm summis celebrant laudibus. Sed hoc in illis æquiori animo ferendum esset, nisi iidem illi facilioris industriæ studiosi, quæ in alijs locis recondita sunt, ea aut omnino in rerum natura esse negarent, aut ab alijs in lucem producta ludibrio, ac contemptui potius haberent. Cùm igitur Suetica regio præter admirabilem illum aquæ currentis fluxum, ac refluxum, cuius causam in alio libello dilucidè exposui, iuxta illius cœli constitutionem, bruta quædam animalia: vt Alcem, Rangiferum & Gulonem, quæ nõ omnibus æque nota sunt: eaquæ tamen exquisitis quibusdam bonis donata eodem modo producat, ac contineat, quo etiam crassum, ac rude metallum quoddam, adamantem, ac saphyrum aliquando solet producere, ea, qua potui, diligentia eorum animalium conditiones, egregiasquæ eorum dotes à natura largitas exploravi, exploratasquæ memoriæ fidelitè mandaui, hoc quidem consilio, vt cùm primùm mihi à rege illinc abeundi fieret potestas, hanc ipsam contexerem historiam. Quam si probatis viris placuisse cognouero, magnum inde capiam solatium, quo mœrorem, quem

P R A E F A T I O.

ex ærumnosa mea illuc profectione contra-
xi, prius mitigabo, deinde multarum rerum
iacturam, quam in eo ipso itinere non sine
capitis discrimine feci, partim mihi resarci-
ri putabo. Quæ igitur cum magno vitæ meæ
periculo, atque rerum detrimento inde ex-
portavi, fideliterque literis mandaui, læto
ut animo legant studiosi, æqui boni-
que consulant, vehementer etiam
atque etiam rogo.



QVOT,

*QVOT, ET QVIBVS
nominibus vocetur Ma-
gnum animal.*

CAPVT I.

INTER eos, qui hu-
ius animalis vngu-
læ epilepsiam fugā-
di potestatem tri-
buunt, vix duos re-
peries, qui in no-
minibus inter se
concordent. Nam alij Alcem hoc ani-
mal apellant, alij aliter. eruditissimus
Cardanus solam Alcem à C. Iulio Cæ-
sare descriptam agnoscit. hoc, de quo
agitur, animal magnum nuncupat:
Alcem nullo modo vocandum cen-
set, & re vera quidem. Nam in multis
differt à Cæsaris Alce, vt paulò post vi-
debitur. Iulius Cæsar Scaliger vir acer-
rimi ingenij in suo libro, quē de subti-
litate ad Cardanum inscribit, licet du-
as dicat esse Alces: hoc tamen animal
Alcem non appellat: sed cum quibus-
dam

2 APOLL. MENABENI

dam alijs Bisontem nuncupat: & sub hoc nomine à Plinio describi putat. Rectè quidem vt Cardani, & mea fert opinio: idem tamen Plinius, quam Cæsar vocat, ac describit Alcem, Machlin appellat, & Alci haud dissimilem esse dicit. Alcem verò iumento similē asserit, ni proceritas aurium, & ceruicis distinguat. Quare Bisontem, & Alcem Plinio idem esse videtur. Sueci homines, qui Latinè loquuntur, sæpe numero Bisontem vocant. Alij Bisontem aliud esse animal scribunt, & aliud ab hoc animali, & Cæsar's Alce diuersum figura exprimunt. Non desunt, qui hoc animal Syluestrem asinum, quem onagrum vocamus, esse credant: sed malè, vt Cardanus ait. Inter istos fortasse sunt celeberrimi Medici, vt Galenus in lib. ii. de Simplicium medicamentorum facultatibus; Aëtius, Alexander Trallianus in lib. i. Auicenna in lib. 2. Tract. 2. & Serapio de Simplicibus. Nam hi combustos asinorum vngues comitali morbo mederi scribunt. per asinos. n. onagros fortasse intellexerunt: & sub onagri nomi-

DE ALCE.

nomine Magnum hoc animal, & ipsi-
 us vnguis efficaciam cognouerunt.
 quòd si syluestris asini vngulæ contra
 epilepsiam hanc vim assignarunt; dubi-
 tare possumus, an ipsis egregium ani-
 mal, quod hic scribimus, ignotum
 fuerit: quando de ipso ne meminerint
 quidem: sed tamen verisimile est tali-
 bus viris notum fuisse animal. Olaus
 Magnus rerum Sucticarum celebris
 Historicus, onagrum & Alcem idem
 esse censet. Non immerito quoque
 aliquis suspicari posset, hoc ipsum ani-
 mal Tarandum nuncupari ab autho-
 re, qui librum Aristoteli attributum
 de rebus auditu admirabilibus edidit.
 Ipsum. n. his verbis exprimere videtur:
 Inter eos Scythas, qui Geloni appel-
 lantur, quandā ferā esse ferunt, quæ quā-
 uis perrarò inueniatur, Tarandus no-
 minatur: & magnitudine cum boue,
 frontis verò forma cū ceruis æquipa-
 ratur. Qui hoc animal Alcem dicunt,
 neq, ipsi omnino concordēs sunt. Nā
 quidā in Animalium Historia egregiè
 versati, postquā huius animalis multa
 collegerunt nomina, Alcē dicunt esse:

B 2

cūm

cùm tamē alterā Cēsarīs Alcēm agnoscant. Horum sententiā sequi videntur Prutheni Medici non vulgares, quibus notissimum est hoc animal; quando pro huius vngula Alcīs vngulam scribunt in suis schedulis. His tamen sicuti non omnino derogo; ita non multum tribuo. Antonius Mizaldus inter recentiores scriptores non mediocriter eruditus, cū absolutē vngulam Alcīs scribat, incertam nobis relinquit suam sententiam. At Leuinus Lemnius artis Apollinē sātis insignis artifex, in libro de occultis naturæ miraculis, quia hoc nostrum animal non nouit, de sola Cēsarīs Alce meminit, & ipsius vngulam præsenteanea vi polere dicit aduersus comitalem morbum: cū nihilominus in quibusdam rebus minimē ficulneis dissideat à Cēsarē. cuius verba ex lib. 6. de bello Gallico huc transferam; cū vt conferantur cum verbis Leuini, tum vt quilibet facta collatione inter nostrum hoc animal, & Cēsarīs Alcēm, liquidō cognoscat, quantum ea, quæ à quibusdam confunduntur, inter se discrepent.

DE ALCE.

pent. Cæsar igitur habet hæc verba:
Sunt item, quæ appellantur Alces: Ha-
rum est consimilis capris figura, & va-
rietas pellium, sed magnitudine paulò
antecellunt, mutilæq; cornibus sunt,
& crura sine nodis, articulisque ha-
bent; neque quietis causa procum-
bunt, neque, si quo afflicta casu con-
ciderunt, erigere se, aut subleuare pos-
sunt. his sunt arbores pro cubilibus.
ad eas se applicant, atque ita paulùm
modo reclinatæ quietē capiunt. qua-
rum ex vestigijs cū est animaduer-
sum à venatoribus, quò se recipere cō-
sueverint, omnes eo loco aut à radi-
cibus subruunt, aut abscindunt arbo-
res tantum, vt summa species earum
stantium relinquatur. huc cū se con-
suetudine reclinauerint, infirmas ar-
bores pondere affligunt, atque vnà ip-
sæ concidunt. Hactenus Cæsar. At Le-
uius ita Cæsar's verba in suum librū
transfert. Alcis vires excutiamus: quod
caprarum esse generis, sed maiore cor-
poris mole Caius Cæsar in Commen-
tarijs testatur. His ita ob oculos positis
non ignorandum quoque est, à Sue-

6 APOLL. MENABENI
cis, & omnibus, qui Germanico lo-
quuntur idiomate, hoc magnum ani-
mal Hellenium vocari à particula
ipsis peculiari Hellend, quæ miseriam
significat, & appositè quidem, vt infra
dicetur. Sed quia hoc animalis genus
non tantùm in Suecia, sed etiam in
multis Scythiæ, & potissimùm Sarma-
tiæ partibus reperitur; sciendum est,
ipsum iuxta cuiuslibet regionis idio-
ma multas sortitum esse nomenclatu-
ras; quas singillatim annumerare su-
peruacaneum esse duximus; ne de no-
minibus nimis solliciti videamur, quæ
ad rem ipsam parùm conferunt. ea ta-
men, quæ apud Latinos celebrata sunt
nomina, silentio præterire non potui-
mus. In quibus licet classici illi autho-
res inter se discrepent; tamen cùm in
alijs rebus, quæ maioris sunt ponde-
ris, concordēs sint; non est, quod ali-
quis inter illos Palemonem agat. esset
n. nil aliud, quàm de lana caprina iudi-
care, vt prouerbio dici solet. Sed de
nominibus hæc hæctenus.

De

*De natura Magni animalis
& miseria.*

CAPVT II.

HOC animal, qui Germanico
Idiomate loquuntur, Hellend
appellare consueuerunt. quædictio, si
Latinè vertetur, miseriam significat.
& huic quidem scitè admodum indi-
tum est hoc nomen. Miserrimum. n.
est animal multis de causis. primò
quia sæpenumero comitiali morbo
corripitur; quo non liberatur, nisi ap-
posita prius fuerit auri altera posteri-
or vngula. Hoc tamē apertè repugnat
Plinio, qui lib. 10. Naturalis Historiæ
inquit: Nullum animal præter homi-
nem, & coturnicem affici comitiali
morbo. Sed hac in re plus tribuendum
existimo multis testibus, & experien-
tiæ, quàm vni Plinio alioquin solertis-
simo: apud quem multa leguntur, quæ
à doctis viris, & experiētia non cōpro-
bantur. Miseriæ etiam huius animalis
causas referunt: quia timidū est valde,
& homines procul ol faciens fugit, &
quolibet vel paruo vulnere moritur:

B

4

quinimo

§ APOLL. MENABENI

quinimo si tantum suum sanguinem videt, illico exanime concidit. Cum insuper iam prope captum tenetur, non cornu ferit, non reluctatur, sed fugam tantum molitur: tamen canes vnguibus repellit, & conculcat. à quibuidam probatis viris mihi summa necessitudine coniunctis, & in huius animalis venatione versatis accepi: per rarò vnum huiusmodi animal solum conspici, sed plura simul: modò quinque, modò septem, modò plura simul degere, & progredi. & quando in syluis terra niuibz obtegatur, mihi se obseruasse retulerunt, ipsa tum maximè in vnum se conferre, ac simul progredi hoc ordine: vnum præcedit properando, vt occasio postulat, alia singula sequuntur eundem tenorem, & modum seruando, & primi vestigia calcando ita, vt si quis rei inscius ipsa prætergressa insequatur, vnus tantum vestigia cernere se existimet. Quod alterum ita ad vnguem alterius vestigijs insiftendo alterum sequatur, cuidam ipsorum prudentiæ naturali adscribunt venatores. aiunt. n. ipsa per primi vestigia

vestigia incedere, ne numerus ex vestigijs dignoscatur. His animalibus huiusmodi inesse prudentiam, verisimile est; cum sint ex ceruorum genere; cui inter quadrupedes maximam prudentiam tribuit Aristoteles lib. 9. de Historia animalium, & Plinius lib 8. inquit, Fugiant latratu canum audito secunda semper aura, vt vestigia cum ipsis abeant. Quod sint ex ceruorum genere: cum hæc prudentia, tum alia non pauca his communia cum ceruis, quæ Aristoteles iisdem in libris vni ceruorum generi tribuit, satis superq; demonstrant. inquit. n. Ceruo ex cornigeris vni cornua tota solida, ceteris caua quadantenus. & paulò post: Soli etiam ceruo cornua omnibus annis decidua, initio à bimatu, ceteris perpetua. quod horum animalium cornua tota solida sint, sicuti ceruorum cornua, apud me dubium non est. quod etiam decidua, non ambigo: cum ipsorum plurima viderim. quod verò omnibus annis, ex multorum assertione probare possum. Sed ex Olai Magni Historia huc ad verbum aliqua

B 5

trans-

transferamus, lib. n. ii. de hoc animali
 ita scriptum est. Vehementissimus est
 eius cursus in trahendis vehiculis in
 nuosa glacie apud quosdam. Nam
 horum celeritas longè superat omni-
 um equorum velocitatem. sed apud
 alios quosdam ob Regium edictum
 in usu non habentur; ne scilicet eorum
 currendi celeritate proditores vtan-
 tur in secretis Regni inimicis quàm
 ocissimè reuelandis. Famis, ac sitis, la-
 borisq̃ue patientissima est hæc bestia,
 vt diem, noctemq̃ue immensa spacia.
 CC. milliariorum Italicorum curren-
 do valeat conficere priuata cibo. &
 lib. 18. inquit. Alces pulli venatorum
 industria capti ita successiuè mansues-
 cunt, vt naturali vrgente siti epotent
 maxima ceruissæ vasa à discumbenti-
 bus eisdem propinata. & paulò post:
 Alces instar ceruorū gregatim in va-
 sta solitudine vagantur, insidijsq̃ue ex-
 tensorum telorum industria venato-
 rum sæpissime capiuntur, vel maximè
 canum insultu retruduntur in antra
 rupium, vt inde rarò viuæ euadant.
 imo quiescentes humi, vel erecti stan-
 tes

tes onagri maximi à minima quandoque mustella guttur insiliente mordentur, vt sanguine decurrente illico deficiant mortui. idem quoque ait. Lupi in onagros irruentes, & vngulis, & cornibus vel interimuntur, vel effugantur: tanta. n. vis est in ictu vngulæ, vt illico tactum lupum interimat, aut fodiat: quod sæpius in canibus robustissimis venatores experiuntur; imo elabente cane opposita arbor illiditur, quasi fungus adesset. Hæc ego cum à nemine audiuerim, qualiacunque sint, soli Olao accepta refero, alia alijs & nomine, & eruditione præcellentibus viris. Ceterum autumnino, hyeme, & vere ista animalia paruis bombardis hoc tempore interfici solent à venatoribus, rusticis potissimum, & ad Regem omnia deferri. Hoc fit in Suecia. Carnibus istorum vbique vescuntur illius regionis incolæ, & recentibus, & sale conditis. Quando ego carnes huiusmodi recentes comedi; crassæ, & melancholici succi esse iudicaui. quid de falsis censendum est?

Descri-

Descriptio partium extrinsecarum Magni Animalis.

CAPVT III.

Magni animalis nominibus, natura, & miseria cognitis, consentaneum esse videtur, vt & figuram à summo capite ad extremas vsq; vngulas verbis exprimamus. Habet igitur hoc animal crassitiem, altitudinē, longitudinem, & proceritatem mediocris, & pinguis equi, vt ego vidi. Humeri depressiores, & humiliores sunt partibus posterioribus. capite aliquantulum pronum incedit. à summo capite vsque ad humeros, & maximè in ceruice est huic magna pilorum prolixitas, & sylua ita, vt collum, & barbam hirci representet. vnde iu-batos Bisontes non immeritò vocat Plinius. in alijs corporis partibus pilorum longitudine non differt ab equo, sed densitate superatur: crassitie verò superat. color vergit plerumque ad cineritiam albedinem. pro vicissitudine tamen anni temporum pili varias habent in colore mutationes. Caput est oblon-

oblongum, & gracile; si conferatur cū
toto corpore: labra magna, prominē-
tia, & crassa, & maximè superius; quod
accommodato satis vocabulo pro-
muscidē vocauit Cardanus, propter
ipsius magnitudinem, & prominenti-
am: & hac de causa retrogreditur in
pascendo, inquit Plinius, ne in priora
tendens inuoluatur. Os longum, den-
tes non admodum magni, nec longi,
aures longæ, lateque. Fœmineus sexus
cornibus caret. At masculinum genus
multifida, & vt ita dicam, ramosa cor-
nua producit; sed non tam longa, &
frondosa, vt cerui vulgares. Cæterum
lata, vel vt dicit Scaliger, latiuscula
sunt crassitie ferè duorum digitorum
transuersorum, Si vnus cornu figurā
spectes, triangularem ferè formam de-
prehendes, & magnæ auis alam exten-
sam dices. si pondus, duodecim ferme
librarum maiorum erit. Cornua mu-
tat hoc animal statutis quibusdam tē-
poribus, vt cerui solent. Vnum ali-
quandiu fuit apud me huius animalis
cornu, quod, vt matura poma solent,
sponte deciderat. id ex stirpe manife-
ste

14 APOLL. MENABENI

stè dignoscitur. duo alia parua habeo
duorum, aut trium ab ortu fortè mē-
sium, quæ me præsentē ex craneo ani-
malis paulò antea mortui abscissa
sunt, & hæc molli quadam lanugine
sanguine etiam imbuta erant. Vnde
cùm ipsum animal, vnde pullularant,
ad metam suæ magnitudinis perue-
nisset, & tam parua haberet cornua,
statui sine controuersia potest, ab hoc
animalis genere, vt dictum est, etiam
cornua mutari, vt de ceruis scriptum
reliquit Aristoteles. Est præterea obe-
so, & grandi ventre ferè, vt vaccæ sunt,
cauda mirum immodum brevis, vn-
gues, bisulcæ, & bifidæ, vt bobus. Hæc
quidem vera cùm sint, non est, quòd
aliquis, de ipsis dubitet. nos. n. quæ vi-
dimus, referimus. Huius animalis
imaginem apud quosdam videre est;
sed an referant ad viuum, videant eti-
am alij. Nos aliquando cùm maius
dabitur ocium, ad viuum vt referatur,
dabimus operam.

De

*De viribus, ac facultatib. cornu-
num Magni animalis.*

CAPVT III.

CVM natura hoc animal & esui
Captum protulerit, & saluberri-
mis, ac reconditis quibusdam faculta-
tibus donauerit, pij hominis officium
esse existimaui, vt communis utilita-
tis, ac commodi causa paucis perstrin-
gerem; quas vires, ac facultates natura
ipsa ad hominum salutem tribuerit
cornibus, neruis, & vnguibus huius
animalis. vt autem à cornibus exordi-
ar, hoc prius innotescat; antea nullam
medicam facultatem præter astricti-
uam huius animalis cornibus attri-
butam esse; neque hoc tempore in
Suecia tribui, sed non multò ante Pru-
theni Principes, & Episcopi medico-
rum fortassis industria, & auxilio suf-
fulti rasuram, siue ramenta huiuscor-
nu plurimum posse in epileptico mor-
bo cognouerunt quod mirum non
est, cùm vt infra dicetur, eadē virtute
proculdubio eiusdē etiam vngues pol-
leāt. Aristot. lib. 3. de partib' animalium
candem

eandem tribuit naturam vngulæ, quã cornu ceruino. Verùm hoc additur, vt ista cornua hac prædita sint facultate, oportet, vt ab animali ablata sint inter festum Assumptionis B. Mariæ Virginis, & Natiuitatis eiusdem. Alij fortasse superstitiosi aiunt in festo Beati Egidij Abbatis, quod Calendis Septembris celebratur, cornua cum Vnguibz præcidenda esse, vt hac imbuta sint virtute. Nam si alio die ab animali erunt ablata, inutilia erunt. Hac in re, vt sententiam meam proferam, vanū, & ridiculum esse dico, aliquid pro certo affirmare, quod nullis rationibus comprobari potest. Hoc, quod aiunt, quibus rationibus probabunt? Si ad occultam, siue diuinam aliquam causam confugient, hanc ego potius fugam, quàm probationem appellabo: postea experientiæ telo ipsos iugulabo. Nam cornua, & vngues ab animali aliquot diebus ante, vel post Calendas Septembris præcisa, eadem ad sanandam epilepsiam facultate insignita erant, vt experientia rerum magistra docuit. Quòd autem ipsæ animalis

lis partes extreme hac tantum imbutę
sint proprietate, si abscindatur inter
festum Assumptionis, & Natiuitatis
eiusdem B. Marię, magis consonum
videtur: quandoquidem eo dierum
interstitio animalia ipsa calida, vege-
ta, & succulenta quodam agitata fu-
rore in venerem ruunt, ex qua occa-
sione succus, velut quędam materia
turgens, per vniuersum corpus diffun-
ditur, quo cornibus, & vnguibus soli-
dis, ac duris partibus imbutis ea vis, &
facultas producit in ipsis; quę ces-
sante ipsa animalis ex coitu succulen-
tia, agitatione, & in venerem propen-
sione desinit. nec mirum, cum doctis-
simus Matthiolus, & alij radices pro
re medica facienda seruandas, veris
potissimum tempore colligendas es-
se censeant, hac potissimum ratione
ducti: quod tunc succulentę sunt, ac
vt, ita dicam, vtero gerentes. quia nec-
dum ipsarum humor in flores, folia,
ramos, aut fructus abierit. Vbi autem
hęc veluti à pariente in lucem produ-
cta sunt, ipsę ferè euanidę, ac virtutis
expertes euadunt. Iridis radix viridis,
C ac

ac succosa in multis efficacissima est: sicca ferè inutilis. semen coriandri viride, ac innato succo plenum foetidi odoris est, obest oculis, somnum facit, ac delirium affert, si comedatur, inquit Auicenna, at siccatum his omnibus facultatibus spoliatur, ac naturam longè diuersam, temperamentumque induit. huius farinae plurima in exemplum trahi possent, quibus verisimile fieret, huius animalis cornu, & vngues coitu elanguidi, & siccati, nullius esse valoris; succulenti verò, ac venereis stimulis agitati efficacissima: sed breuitatis causa adductis sum rationibus contentus. Hic tamen procul olfacio, non defuturos aliquos, qui ita dubitabuut fortasse. si renascitur hæc virtus cornibus, & vnguibus ex manante ad eas partes per ea tempora succo, verisimile est, illas eiusdē animalis partes, quibus tunc temporis plus inest succi, vt visceribus, & cavitatibus membrorum, magis polle- re eo pellendæ epilepsiæ vigore, iuxta illud, si de quo minus, ergo & de quo maius. quibus ita responsum sit: quan-
do

do dictum est, facultatem illam inesse cornibus, & ungulibus, alijs verò partibus minimè, rem ita se habere, assertum est experientiæ adminiculo: cui contradicere, ridiculi sanè hominis est. & si qua ratio, cur ita sit, allata est, ea non demonstratiua, sed probabilis cum authore existimanda est, à quo hoc quoque additur argumentum: sicuti ex potentia cuiuslibet materiæ nō elicitur quælibet forma, aut quodlibet subiectum non est aptum, ut recipiat quamlibet formam; ita quælibet huius animalis partes minimè aptæ sunt ad concipiendam talem facultatem ex tali succo, qualis in partibus extremis, uti in materia apta, & benè disposita adueniente tali succo innascitur; ut res ipsa indicat. Qui tamen his non contenti, pertinaciter adhuc mirantur: has animalis partes extimas huiusmodi facultate pollere, & non alias, dicant ipsi, quæso, Cur oculi cancerorum frangunt calculum in renibus natum; cum id minimè præstent carnes, & cortices eorundem cancerorum? Cur quædam

C

2

herbæ

herbæ radicibus tantum valent, quædam solis folijs, & floribus? Cur craneum hominis epilepticis prodest, cum sit frigidum? Cur iisdem coagulum leporinum, (ut prodidit Galenus) cum aceto epotum? Cur, eodem authore, combusti asinorum (dubito, an onagrorum intelligat) vngues comitialē morbum curantur? cur eorūdem ossa combusta multorū tum epilepsiam, tum arthrytim sanant? Cur Fibri testes soli tantopere comendantur? Cur cerui virga, & luci piscis mandibula contrita absque alijs partibus pleuriticis mirificè profunt? Si nullam de his afferre possunt demonstrationem, contenti esse deberent probabili argumento ab authore in re sua producto, & potissimum cum res sit eius generis, de quo dicebat Alexander Aphrodisæus: Multa sunt, quorum nulla ratio reddi potest, modum penitus humani ingenij excedentia, Deo duntaxat cognita immortalī, qui omnium parens rerum, atque author est. quæ cum elementorum naturam, & vires superēt, demonstrationibus arctari minimè possunt,

possunt, sed tantummodo rem inspe-
ctant, & demirantur. Neque inquit
Aristoteles lib. 1. Ethicorum, simili
modo in omnibus causa quærenda
est; sed est in quibusdam satis; si benè
demonstratum fuerit, quòd sint. &
Plato lib. 7. de legibus: Exquisitè cun-
cta perquirere, nec facilè est, nec om-
nino possibile. Hæc ita de cornuum
facultate à nobis declarata corrobo-
rant Principes; qui, vt huiusmodi cor-
nua cum hac insigni facultate habe-
ant, quo dixi, tempore, hoc animal
potissimùm venari solent; quia cor-
nua ipsa tunc temporis decerpta, hanc
contra epilepsiam vim obtinere non
dubitant. Calculo albo hoc compro-
bavit primarius vnus nostræ ætatis
Princeps in reconditis, & abditis na-
turæ rebus indagandis sagacissimus:
Cuius nomen in re tam parua suppri-
mo: quanquam ipsum humillimè co-
luerim, obseruarim, & fortunatissi-
mum voluerim. Is igitur inter alia;
quæ obseruauit secreta, hoc habuit: ra-
suram cornu cernini ablati ab animali
inter festum Assumptionis B. Mariæ,

& Natiuitatis eiusdem lumbricorum interficiendorum, præsentanea vi pol-
lere; si stomacho ieiuno exhibeatur
cum vino, aut aqua graminis, aut alio
idoneo liquore. Idem insuper obser-
uauit, limaturam cornu ceruini eodē
tempore ablati habere eandem facul-
tatem contra venenum, quam habet
limatura cornu monocerotis. Vnde,
vt hoc alexipharmacum haberet in
promptu, eo potissimum tempore
ceruos venari solebat. His ego princi-
pibus non possum non multas laudes
impertire; quòd ea recondita indaga-
rint, & alijs indicauerint. Horum quo-
que assertionibus non possum fidem
non adhibere; cùm ipsis commodum
fuerit experiri, neque vana loqui ex
consuetudine soleant. Præter princi-
pes autem non desunt alij, quibus fe-
rè nihil deest ad perfectam eruditio-
nem; qui tantum tribuunt ceruis, vt
dicant: Ceruum tota sui natura con-
trarium esse omni venenorum gene-
ri, tanquam alexipharmacum. Vnde
aiunt, dormire sub eius pelle, & cor-
nua exurere valde vtile est, & conti-
nuò

nuò vefci ipforum carnibus præferuat
 à peſte. De cornibus aiunt: bibere ex
 vaſe factò ex cornu ceruino, tuetur ab
 omni veneno, & putredine. per diſtil-
 lationem etiam extrahunt aquam: &
 oleum ex cornibus ceruorum iuue-
 num. aquam potui dant, oleo arterias
 inungunt contra venenum. Si hæ igitur
 inſunt facultates ceruinis cornib⁹
 plerisque notis, & præſertim ſtatuto
 illo tempore ablatis, ſine controuer-
 ſia admitti quoque debet, ad epilepſiã
 curandam facultatem inefſe cornibus
 Magni animalis eodem tempore dem-
 ptis, & potiffimùm, cùm id vſus ipſe
 doceat, & hoc animal inter ceruorum
 genera numeretur. Hæc de cornibus
 habui, quæ dicerem.

De neruorum facultate.

C A P V T. V.

DE neruorum huius animalis fa-
 cultate neque apud Pruthenos,
 neque apud alios ſcriptores quicquã
 penitus audiui, aut legi. in Suecia ta-
 men quosdã noui; qui cùm ſæpiſſimè
 corripèrètur ea cõuulſionis ſpecie, ſi-
 ue ſpafmo, qui Italicè Ranfo dici ſolet

cingulo facto ex huius animalis neruo circundabant, & ligabant membra illa nuda, quæ conuellebantur. Vnde cùm neruum hunc eo modo noctes, atque dies gestarent; maximum inde leuamen se sentire, prædicabant. quia alius per longa interualla ea passione carebat, alius omnino liber euadebat. Hac occasione admonitus, non omit- tam aliud ad hoc conuulsionis genus remedium acceptum à quodam probato viro, & sincero amico: quod est huiusmodi: largè ligare conuulsum membrum cortice canapi masculi semen ferentis, detracto ab ipsa radice sursum, aufert, & arcet cōuulsionem.

De vnguium facultate.

CAPVT VI.

INter cæteras huius animalis partes vnguibus plurimum tribuunt & Sueci, & Prutheni, & alij scriptores nō pauci. vngues enim epilepsiam ita auferunt, vt incantamento simile quid facere videantur. nec mirum; cùm hoc animal eo morbo laborare sæpius, & remedium seçum portare certum sit,
vt

vt antea dictum est. Verùm hoc admiratione dignius est, hunc vnguem nō tantum Terapenticon remedium esse, sed etiā Prophylacticon. non. n. solū factam iam epilepsiam curat, sed futuram etiam prohibet, quod ego vix crederem, nisi ipsa me docuisset experientia: Non. n. verisimile videbatur huius vnguis facultate à morbo præseruari quicquā aliud posse, cum animal seipsum, cuius vnguis est, non possit. Non omittendum est, hoc eodem vngue hysterica passionem remoueri, remotamque arceri. eodem appposito membris cor respicientibus egregiè succurritur multis affectibus cordis. Sed hoc remedium quomodo, & quando applicandum sit, & exhibendum, vt curet, & præseruet, dicemus paulò post. Nunc quod in questionem trahi potest, prius explicandum est.

An omnes huius animalis vngues eandem habeant facultatem.

C 5

CAPVT

CVM variæ sint opiniones de his vnguibus, an omnes hanc eandem facultatem, & proprietatem obtineant; quid ab alijs ipse audiuerim, & quid ipse sentiam, in medium proferre operæ pretium esse duxi. Non desunt, qui sinistro vngui posteriori plus tribuunt, quàm alijs. quia, ut aiunt, animal hunc auri apponendo, morbum propellit. ego verò dextro potius, quàm sinistro posteriori primas tribuendas esse censerem. Si. n. vtriusque vsum respicimus, dexter facilius, quàm sinister auri apponitur: aut vtrunque sine discrimine eadem pollere facultate pronunciarem; cum vterque auri admoueri, & applicari sine difficultate iuxta appetitum animalis, & loci & situs opportunitatem possit. Anteriores vngues hac virtute à cæteris omnibus vno ore priuantur, verum ego non possum adduci, ut credam, eos omnino hac virtute spoliatos esse. Nam si vsum, & experientia docuit, cornibus eandem inesse facultatem, quam pedes habent posteriores, quantò

quantò verisimilius est, pedes alijs pedibus eiusdem animalis similem habere facultatem? non est tantum discriminis ponendum inter pedes anteriores, & posteriores eiusdē animalis; quantum ponitur inter radices Pæoniæ maris, & foeminæ, quarum prior recens collo appensa, puerū epilepticū illico sanitati restituit, vt Galenus, & alij docuerunt, & ego nonnullis experimentis in Suecia vidi; vbi istius Pæoniæ magna est copia, & colligitur ad hunc vsum, decreſcente Luna. altera nempe foemina hoc præſtare nō ſolet, vt multis multorum experimentis compertum eſt. pedes. n. anteriores, & posteriores in eodem ſunt corpore, ſpecie non differunt: at Pæoniæ duæ ſunt ſpecies diuerſæ, & ſciunctæ. At dicet aliquis: hoc animal non dicitur apponere auri anteriores pedes, vt liberetur à morbo, & propterea id facit; quia posteriores pedes illam poſſidēt facultatem, & non anteriores. Huic ego obijcerem quædam experimenta, quibus comprobatum eſt, pedes anteriores ſuppetias minimè ficulneas epilepti-

leptici attulisse. Præterea responderē,
ipsum argumentum necessitatem nō
inducere. potest. n. esse, vt pedes ante-
riores eandem illam obtineant facul-
tatem, quam posteriores: & tamen au-
ri non ita commodè admoucantur, si-
cuti posteriores. videre est enim om-
nes ferè quadrupedes, quando corpus
volunt scalpere, aut molestiam aliquā
lenire, posteriorum pedum seruitio
vti sæpissimè: anteriorum ferè nun-
quam. Hicce experimentis, & rationi-
bus ego adductus, pedes huius anima-
lis anteriores inutiles esse ad hanc rē,
statuere non possum. Non desunt
multæ existimationis viri, sed à Musis
alieni, qui sic anterioribus vnguibus
facultatem hanc egregiam tribuant,
vt his solis, & præcipuè sinistro omnia
impertiant: posterioribus verò nihil,
aut parùm. Hanc suam sententiam hac
potissimùm ratione confirmant: Hoc
animal, cū eò corripitur morbo, in
terram supinum concidit, quemad-
modum homines quoque solent: ita
dum iacet animal, vngues anteriores
ex flexura genu ad regionem cordis se
demit-

demittunt frequenti motu: ex quorū
appositione, & tactu cor refocillatur,
ac resumit vires, & propulso morbo in
pristinum statum restituitur animal.
hoc ipsis tā verisimile videtur, quā
quod verisimillimum. Quod verò
hoc idē animal epilepsia oppressum,
eam propellat posteriorem vnguem
auri apponendo, vt antea dictum est,
vt credant, adduci non possunt, cū
tamen argumentis contradicere ne-
queant. Doctus autem aliquis hoc
modo pro illis refellere posset. Cū
epilepsiam definiant medici, conuul-
sionem esse totius corporis cum prin-
cipum operationum læsione; quis tā
mentis inops est, vt credat, durante
morbo animali facultatem, aut pedes
suum officium præstare? hoc fieri non
posse quotidiana hominum experien-
tia demonstrat. Si igitur animal neq;
voluntatis officio, neque membrorū
seruitio tunc temporis vti potest, quo-
modo vnguem posteriorem auri ap-
plicabit? Quo autem modo anterior
ad cordis regionem suapte natura cō-
cidat, quilibet oculis ipsis cernere po-
test

test in brutis animalibus recenter claua prostratis, ac supinè iacētibus, quibus anteriores vngues cordi adiacent. Hoc argumentum quamuis multum roboris habere videatur; parùm tamē me mouet. Pluris. n. meo iudicio facienda est in hac re multorum assertio, & experientia artis effectrix, quàm huiusmodi argumenta. Rationi siquidem, inquit Aristoteles, fides adhibenda est, si quæ demonstrantur, conueniunt cum ijs, quæ sensu percipiuntur. Ego in Suecia, vbi magna est copia horum animalium, & Historiam hanc didici, ne verbum quidem audiui de anteriorum vnguium appositione ad cor, neque de morbi ex ea leuamine. De propulsione morbi per appositionem vnguium posteriorum ad aures vno ore omnes asserunt & venatores, & senes ipsi; quorum opinionibus sine demonstratione non minùs inherendum esse censet Aristoteles lib. 6. Ethicorum, quàm demonstrationibus ipsis. Sed an hoc absurdū, illud verò probabile sit, pluribus non disputo. accipiat, quam quisque vult opinio-

opinionem; modò non sit dubium de virtute vnguium. parui. n. scire refert, quo modo suum morbum propulset animal. Attamen ne priorem, & vniuersaliorem opinionem oppugnata omnino destituam, hoc vuum addo. Quæ egregiam hanc vnguibus facultatem indidit natura, eadem huic animali elargiri particulatim potuit, vt ingruente morbo, quemlibet ex vnguibus auri porrigere, & extendere valeat. Cùm igitur hoc animal, vt dictum est, posteriorum pedum seruitio, & vsu morbum pellat, si quis à me exactiùs quæreret, quid de singulis pedibus, sine vngulis sentiam, plus ne vni, quàm alteri tribuã, ita satis facerẽ, primas tribuẽdas esse dextro, secundas sinistro posterioribus, duos anteriores in postremis constituẽdos esse: ita tamẽ, vt nō omnino illius facultatis expertes censeãtur: hæc est mea sententia.

*An vngues præcidendi sint ex vi-
uente animali, vt epilepti-
cis subueniant.*

CAPVT VIII.

QVI

QVI horum vnguium facultates
se nosse arbitrantur, & in vsum
deduxerunt; constanter affirmant,
hos præcidendos esse ab animali ad-
huc viuentem, & quo supradictum est
tempore, alioquin ad rem inutiles es-
se. *Olaus Magnus lib. 18.* alias quoque
conditiones in his vnguibus, vt con-
tra epilepsiam sint efficaces, requirit.
inquit. n. vngula exterior dextri lateris
pedis posterioris onagri masculi, qui
non genuit, abscissa à viuo pede secu-
ri, vel alio instrumento auulsa post
medium mensis Augusti, spasmus,
aut morbum caducum patienti adhi-
bita continuò sanat. arduæ sane, ac dif-
ficillimæ conditiones. quæ si omnes
essent necessariae, non pauciores pro
ea vngula assequenda difficultates, &
labores essent superandi, quàm pertu-
lit Iason pro rapiendo vellere aureo, &
faciliùs fortasse esset, plures phœnices,
aut coruos albos inuenire, quàm hu-
iuscemodi vngulas efficaces. sed harum
nunc non parua est copia. quare his,
quæ superstitionem, ac vanitatem sa-
piunt, posthabitis conditionibus, de
proba-

probabilioribus dicamus. Has itaque ungulas à masculis tantum animalibus abscindendas esse, affirmare non audeo; cum de ea re ne verbum quidem audiuerim, aut legerim. Verum neque pertinacius negare possum. Cum. n. corporis bona constitutione, robore, & alijs tum animi, tum corporis bonis masculinis sexus longè superet fœmineum, quem philosophi imperfectum, diminutum, & mancū vocitare consueverunt, non mirum, imo verisimile est, masculinum hoc animal ungulæ præstantia superare fœmineū. detur itaq; hoc Olao. Quòd eo potissimum tempore sint abscindendi, facile assentior, cum propter ea, quæ antea dixi, tum quia ea temporis intercapedine eo morbo grauius, & sæpius afficitur animal, quàm alijs temporibus. Verisimile. n. est naturam sagacem, & prouidam, quæ neque in aliquo deficit, neque quicquam frustra facit, auxilium indidisse pro temporis necessitate, atque animalis indigentia. Sed hic duæ insurgere possunt difficultates satis graues: quarum pri-

D

ma

ma est: verisimile videtur magis ipsas animalis partes ea vi propulsandæ epilepsiæ vigere quolibet anni tempore. Nam cum quolibet tempore sine discrimine animal ipsum eo infestetur morbo, & appositione pedis aut ad cor, aut ad aurem semper refocilletur, argumento est, ipsam vim semper illis inesse; alioquin non semper, sed eo tantum tempore, quo virtus inest, pedis appositio prodesset. Sed suppositum iam est, animal ipsum quolibet tempore eo corripi morbo, & vngue semper sanari. quocunque igitur tempore anni abscindetur vnguis, virtus ei in-erit. Nisi experientiæ repugnaret, multum roboris haberet hoc argumentum. Sed ipsa iam docuit, virtutem hanc vnguibus certo tantum tempore abscissis inhærere. at posthabita paulisper experientia, detur, animal quolibet anni tempore eo inuadi morbo, & pedis appositione semper sanari; non tamen necessario id sequitur, quod obijcitur. dicimus. n. vnguem ablatum alio, ac dictum est, tempore, non tantum roboris, & facultatis obtinere;

re; quantum, si constituto iam tempore ablatus esset: & hoc non propter succi inopiam, sed propter aliarum occasionum defectum. nihilominus ipsa exigua, & quantumvis debilis facultas sufficiet semper pro sanando corpore, cui inest; non autem sufficiet pro altero, cui non inest, curando. separatus verò vnguis, quo dictum est tempore, cum multò maiorem, vegetioremq; vim contineat, alteri quoq; opem ferre potest. quod providentiæ ipsius naturæ assignare quoque absurdum non erit, ut antea dictum est. Altera difficultas est huiusmodi: Non videtur rationi consentaneum, has animalis partes ea pellendæ epilepsiæ facultate pollere magis, quando animal ipsum eo gravius infestatur morbo, quàm quando sanum degit, aut lenius afficitur. verisimile. n. est largiorem & salubriorem esse animalis succum, cum valet, quàm quando infirmatur, & læguet. quod medicorū autoritate cōprobat; qui quando ad rē medicā aliqua ex animalibus cōferunt, ex boni habitus animalibus, & sanis desu-

D 2

menda

mienda præcipiunt. Hoc argumentum
fanè validum est, sed non ex omni par-
te verum, & necessarium; quandoqui-
dem ex animalibus putrida quædam
ad rem medicam adhibentur oppor-
tunè. præterea in multis ipsi experien-
tiæ aduersatur; quod si cui mirum vi-
detur, sedato animo, quæ sequuntur,
audiat. Si iecur canis rabidi assumeda-
tur, remedium esse ijs, qui ab ipso fue-
rint morfi, proditum est: vt Galenus
inquit. Rasis quoque lib. 10. Continē-
tis, inquit, sumere sanguinem canis ra-
biosi contra morsum eiusdem, est cer-
ta res, & experta. nonne tamen verisi-
milis esset, iecur, & sanguinem canis
sani sanare, & rabientis morsum ma-
gis lædere? Lapis ab homine extractus
& contritus, & in potu exhibitus cal-
culum in renibus frangere, & commi-
nuere dicitur ab vniuersa pene medi-
corum schola. rationi tamen magis
consentaneum videtur, ex substantia
lapidis apposita lapidi additionē po-
tius, quàm diminutionem, aut com-
minutionem fieri: hoc tamen non fit.
Oleum scorpionum præsentissimum
remc-

remediū est ijs, qui à scorpione morfi
sunt. Hæc Galenus ait in lib. de Theria-
ca ad Pisonem, (sit ipsius, aut alterius
hic liber, non disputo in præsentia) &
quæ sequuntur. Vulneri à crocodilo
illato adipem ipsius admotum sum-
mopere profuisse animaduertimus.
Itemque aranei muris morsus, qui eti-
am interficiunt, ipso mure araneo cō-
trito, & imposito sine dolore persana-
ri. Simili modo à viperis icti pericu-
lum effugiunt, si trita ipsorum corpo-
ra vulneri imposita fuerint. Sed ad rē
redeamus. Quòd viuento adhuc ani-
mali vngues sint præcidendi, ridiculū
mihi videtur. Nam qui hoc asserunt,
timerè videntur, ne mortuo animali
simul percant vngues, & illa facultas
euanescat. at si viuento animali præci-
si sint, putant fortasse vngues adhuc
viuere, & in ipsis conseruari illam vir-
tutem. quod quàm absurdum sit, &
puerile; aliorum sit iudicium. Mihi
quidem videntur vngues nihil inter se
differre, & eodem modo exanimis re-
manere; tam si ex viuento adhuc ani-
mali, quàm si ex mortuo excindan-
tur.

tur. Si hoc animal paulatim, & sensim, ac tardè, aut interitu naturali animā efflaret; ego in istorum sententiam facilius descenderem. quia in longo tēporis curriculo aliquid de facultate vnguium cum toto corpore consumi, & euanescere posset. Sed cū ex minimo vulnere, & ex timore illico concidat, & pereat; nescio, cur de pinguedine, & natura aliarum partium nihil penè deperdatur, & soli vngues suam illam facultatem eo temporis momento penitus exuant. Hic mihi negotium faciet rerum nouarum studiosus aliquis quædam obijciendo, quæ ad fabulosam Magiam potius, quam ad Physicam speculationē pertinebūt: cuiusmodi sunt hæc: Caudæ lupi creditur inesse amatorium virus exiguo in villo, eumque cū capitur abijci, nec idem pollere, nisi viuenti directum. Chelidonium lapis hirundinum ventribus dissectis erutus curat melancholiam, & gestantem amabilem facit. Sed nisi extractus sit viuentē adhuc animali, euanescit eius virtus. extractus verò ex viuentē virtutem retinet.

net. Iisdem, & alijs præditi virtutibus dicuntur Geranites, Draconites, Ale-
ctorius, & Borax lapides, modò quilibet ipsorum ex viuento animali fuerit extractus. Vnde à simili ducto argumento, ex istius Magni animalis vnguibus ij tantum retinebunt potestatem, qui à viuento sunt decisi. Hæc quidem si ita se habere constaret, probationem aliquam contra nos facerent. Sed cum incerta sint, & minimè digna, quæ sine probatione admittantur à philosophis, hoc vnum dicemus: Ignotum per ignotius probari. Demus tamen, hæc de cauda lupi, & lapidibus adducta aliquam veritatem habere: non ideo sententia nostra corruit. Nam & nos afferre possumus exempla quarundam rerum, quæ ex vita carentibus animalibus dempta operantur, & agunt eadem ferè, quæ ipsa animalia vitam adhuc degentia efficiebant. Ferunt. n. lupina pelle tympanum constructum maximo ouibus esse terrori non aliter, ac lupo ipse: & quod maius est, eo tympano concusso ea dicuntur tympana dissolui, quæ ex agnino

D +

corio

corio sunt confecta. tympanum ex vrsi, vel lupi corio confectum, & longè pulsatum equos in fugam abigit. Leonis pellis ceterorum animalium pelles absument non aliter, ac leo ipsa animalia. lupinæ pelles agnorum pelliculas erodunt. Si hæc ita sunt, (dicemus nos etiam) cur Magni animalis vngues à cadauere ablatos omni illa virtute spoliatos esse credamus? Sed his omiſſis sententiam nostram efficacioribus argumentis robaremus. Facultas igitur illa vnguium, quæ epilepsiam aufert, aut est quid materiale, siue corporeum; aut quid spirituale, siue aëreum. Si materiale est, illud remanebit in vnguibus quouis modo præcisis. Sin spirituale, eodem modo prodibit ex vngue tam viui, quàm mortui animalis, quare in neutro remanebit: Sed in aliquo remanet. ergo illud materiale est; & si huiusmodi, ergo in vtrouis modo præciso permanebit virtus. Hoc idem exemplis comprobari potest. Nam de calculo hominis, vt alterius calculum conterat, & de lapillis cancrorum, nemo dicit, eos ex
viuis

viuis tantum esse extrahendos. qui Fibris testiculos commendant, non ex viuo eviscerandos asserunt. De preciosissimo lapide Bezoar vocato nostra tempestate tantopere celebrato, qui diligentius, fideliusve scribunt, non ex viuento animali eruendum esse docent, vt mirificis suis floreat dotibus. quinimo confecto animali lapidem è bursula, sine ventriculo extrahi solitum tradunt. Huius generis alia multa adducere possem. Sed prolixitatis euitandæ gratia adductis contentus ero. Non possum igitur non mirari; quòd ea tam fabulosa protulerint quidam. Somniauerunt fortasse rem ita se habere, & sua somnia, siue commenta hominibus obtrudere vulerunt, vt vngues istos in sublimi, & inaccessibili quodam folio collocarent, quo principes, ac magnates tantum peruenire possent. Si. n. ita res esset, sicuti ipsi autumant, maxima vnguium huiusmodi esset vbique penuria. quia difficillimum esset eo modo habere. astutia igitur, & calliditate aliquorum arbitror, illud in vulgus emanasse.

nasse. Dum. n. magnam prædicant difficultatem in vnguibus istis assequendis, ipsi soli, quibus est copia assequendi, aliquid singulare, & exquisitum habere videntur. & quando ad principes huiusmodi vngues dono mittunt, illa exposita difficultate munus suum ornant, commentis, ac veluti fuce decorant; quò illud maius videatur, & gratius euadat. his non contradicendi studio, sed veritatis illustrandæ gratia habitis, finem huic disputationi facio. Reliquum nunc est, vt quomodo applicandus, aut exhibendus sit hic vnguis, vt malè affectis eam, quam pollicemur, opem præstet, ostendamus.

Quomodo porrigendus sit hic vnguis, vt epilepticis, & suffocatis mulieribus opẽ ferat.

CAPVT IX.

SI quis epilepsia correpto partem huius vnguis sinistræ manus digito, quem annularem dicunt, & rectitudinem habere ad cor, medicorum schola

schola afferit, intrepidè applicauerit, æger ab hoc morbo, tanquam à somno excitatus in pedes se eriget illico, ac liber euadet. Si etiam anulus ex eodẽ vngue confectus patientis eundem digitum vestiuerit, efficacius idem præstabit. quia non pars, sed totus digitus anulum attingit. Si in super pars huius vnguis sinistrae palme inponatur, manusq; in pugnum complicitur, morbum confestim depellet. Si eiusdem quoque portiuncula in aurem sinistra missa, & aliquandiu veluti scalpendo mota fuerit, idem ipsam non sine miraculi suspitione feliciter præstabit, non tantum autem dictis membris hunc vnguem applicandum censeo, sed cordis etiam regioni apponendum suadeo. quamuis. n. in hoc morbo cerebrum primariò afficiatur, vt instrumentale: tamen etiam cor per sympathiam affici certum est. cui si succurratur eodem vngue, eximiè operam suam præstat ad expellendam crassam illam materiam, quæ cerebri meatus occupans hunc morbum facit. Huius vnguis rasuram ipse dedi, & ab alijs cum

cum felici successu datam scio epilepticis pueris cum aqua liliorum conuallium, aut spicæ, quam lauandulam vocant. Hic locus mihi in memoriam reuocat non vulgaria quædam contra eundem morbum remedia, quæ communis vtilitatis causa huc afferam. Inter omnia primas tenet hic puluis. Rec. caluariæ humanæ siccatae, & vstæ §. i. rasuræ vngulæ Alcis iusto tempore cesæ, cornu ceruini vsti ana ʒ. ij. visci quercini, granorum præoniæ rad. præoniæ maris mundatae, rad. tormentillæ, rad. & sem. diptami albi ana ʒ. is. sem. antheræ, atriplicis ana ʒ. ij. coralli vtriusque præparati, eboris recenter rasi, margaritarum præparatarum ana ʒ. j. fol. auri num. xxx. spinarum piscium §. ʒ. sacch. albiss. §. ij. misce, & terantur omnia subtilissimè in lapide porphyrij, & fiat puluis, qui vocetur epilepticus. detur ex eo ad summum ʒ. i. cum vilep. viol. aut cum aqua liliorum cōuallium, aut florum tilia, aut cerasorum. Impendio quoque conducit epilepticis illa, quæ vocatur aqua vitæ ex floribus liliorum conuallium per balneum

neum Mariæ vocatum distillata ad hunc modum. Rec. vini Cretici lib. 16. florum liliorum conuallium lib. iiii. misce maneant simul in vitro benè clauso ad solem per dies nouem, deinde fiat distillatio. postea Reci. ipsam aquam distillatam totam, florum lauandulæ viridis lib. j. misce, maneant, ad solem per nouem dies, vt antea, deinde s. art. distillentur per balneum Mariæ. ex hac solent dari in ipso paroxismo tres, aut quatuor guttulæ ægro- tanti. Ego aliquando cum felici suc- cessu exhibui puero epileptico pulue- rem ex æquali portione rasuræ istius vngulæ, rad. præoniæ maris, & succini candidissimi cum aliqua ex iam dictis aquis. solius pulueris succini albi ma- gna est vis. Sed inter ea, quæ ego sæpe sum expertus, ingenuè fateor; me nil præstantius, nil efficacius inuenisse oleo ex succino albo per distillationē elicitō. exhibitio. n. guttæ vnus, aut duarum ipsius cum cochleari lactis muliebris, aut accommodatæ alicuius aque in ipso paroxismo, ægrum à mor- bo, tanquam à somno excitat. eiusdē effica-

46 APOLL. MENABENI

efficaciæ censetur oleum sulphuris, nam si ex eo detur parum cum decocto betonica & pæonia, impetū morbi franget discutiendo eam materiam, quæ cerebri meatus occupat. idē præstabit medium cochlear olei terebentina. non parū roboris tribuitur aquę distillationis ceraforum, si ex ea ꝑ. s. mittitur in os epileptici. Trallianus rutæ Sylvestris cōtritæ, & naribus appositæ vñ se nunquam frustratum dicit. Craneo humano quantum tribuatur, omnes penè norunt. Sed non omnibus ita liquet, ex ossibus humani cranei oleum per distillationem parari, quò si futura Lambdoidis inungatur, eidem morbo nullum est præsentius remedium. quæ passim apud aucthores leguntur, & sunt in vñ tanquā nota, & probata omittimus, & ad vñguem, à quo diuertimus, iam reuertimur. Experientia etiam compertum est, hunc vñguem suffocatis mulieribus præsentissimè subuenire. Nam quotiescunque parum rasuræ huius addita eadem portione Zedoariæ cum aliquo conuenienti liquore datum

tum est suffocatae mulieri, felicem successum cum laude inuenerunt medici. Quapropter Prutheni medici non contemnendi compositis medicamentis non solum ad epilepsiam, sed etiam ad hysterica dicta symptomata hunc vnguem addiderunt. Nec inficias irē, quo minus in utroque affectu idem etiam praestari possit, si pars huius vnguis alligaretur alicui membro superiori, ubi manifestè arteriae pulsus sentitur: nec habenda esset ratio dextrae, aut sinistrae partis hominis in applicatione: sed rectitudo (quam catixin Graeci vocant) tantum inspicienda est, quam habet ad cor pars illa, cui applicatur. Praeter hunc vnguē apud quosdam hoc cerotum, & puluerem tam in curatione, quam in praeservatione ab hysterica passione in frequenti usu esse reperio. Cerotum recipit galbani pinguis, & albicantis, bdellij mollis, amoniaci electi, Castorei, bituminis. Iudaici ana ℥. i. assae foetidae ℥. ʒ. matricariae, florum camomillae, anethi, melissae, xilaloës, galangae, pulegij ana ʒ. iij. sem, carui, amcos, rutae ana

ana ꝑ. i. ꝑ. dissoluantur gummata in optimo aceto, & alia puluerizentur, & mixtis omnibus cum oleo Keirino, cera, & piceana. q. ꝑ. fiat Cerotum ꝑ. art. quod applicetur circa loca renum, dorium, & vmbilicum, & vbi conuulsionem, & dolorem magis sentiunt mulieres. Puluis est huiusmodi. Recipe fol. melisse ꝑ. ij. saluie, anthos ana ꝑ. i. zedoariae, oppoponacis optimi, granorum ꝑæoniae mundatorum ana ꝑ. ꝑ. mastice, coralli rubei præparati, Iuæ artelice ana ꝑ. iiij. sem fileris montani ꝑ. i. ꝑ. misce, & fiat puluis subtilissimus, de quo detur ad ꝑ. iiij. cum aqua artemisiae, aut matricariae, aut cap. ven. aut feniculi. Non ego inficias irem, quin verus lapis Aquilæ, Actites dictus, huic passioni suppetias ferret alligatus interiori parti alterius femoris, aut in puluere potui datus. Hic tamen est animaduertendum, quòd quando in huiusmodi affectibus vtimur huius vnguis beneficio, alia auxilia, quæ medicis sunt in vsu, non sunt prætermittenda. Sed quæcunque eodem tempore fieri possunt, rupta omni mora, sunt

sunt facienda. non. n. huius vnguis facultates ideo in lucem proferimus, ac tantopere commēdamus, vt antiquis remedijs aliquid detrahamus, & veram medendi methodum euertamus; Sed vt aliorum inuentis pro virili parte nostra aliquid addamus more maiorum, qui nihil intentatum reliquerunt, vt quam plurima nobis remedia contra omnes morbos scripta relinquerent. De Therapeutica huius vnguis facultate hæc sufficiant. nunc ad Prophylacticam transeamus.

*Quomodo sit applicandus hic
vnguis, vt ab epilepsia, &
hysterica passione
præseruet.*

CAPVT X.

CUm antea dictū sit, hunc vngue non solum curare comitalem morbum præsentem, sed etiam ab eodem præseruare; iam tempus est, vt ipsius præseruatium vsum declaremus. vt igitur aliquis tutus sit ab eo morbo, aliquid de ipso vngue secum portare

E

tare

tare debet. Quot autem modis secum
 quis ad hunc finem portare debeat,
 etiam dicendum est. Qui ex hoc vn-
 gue annulum gerit circa digitum, qui
 minimo proximus est, sinistrę manus,
 liber creditur ab hoc morbo. Hunc
 modum approbant Pæonię artis non
 vulgares artifices, si quis etiam frustu-
 lum vnguis annulo inseruerit, ac ip-
 sum ita gestauerit, vt vnguis semper
 digitum illum tangat; idem asseque-
 tur. Nonnulli etiam particulam huius
 vnguis collo appensam ita, vt conti-
 nuò cordis regioni sit contigua, gere-
 re solent. neque id sine felici euentu.
 vnde Prutheni multi vnguis partem
 cordis figurā habentem, tanquā mo-
 nile aliquod collo pendens gestare so-
 lent. Pręseruatium auxiliū pro pueris
 epilepsia corripere consuetis hic pręter-
 ire non possum. Recipe olei amigda-
 larū dulciū recenter expressi ℥. i. Sma-
 ragdi ꝯ. j. penidiꝯ. s. misce in formam
 locchi. da infanti, antequam sugat
 vbera. Ceterū qui certissimam prę-
 seruandi methodum, & auxilia cupi-
 unt, perlegant, & obseruent Galeni
 consili-

consilium pro puero epileptico, & vsum coriandri, & boli armeni à Tral-
liano tantopere cōmendati nō omit-
tant. Contra matricis quoque suffoca-
tionem hunc vnguem præsētaneum
esse remedium, & ab alijs audiuisse, &
periculo facto me cognouisse fateor.
Nā accersitus, vt medicā manū adhibe-
rē cuidā mulieri suffocatione oppres-
sā, data huius vnguis rasura cum radi-
ce Zedoariæ, alijsq; auxilijs ex arte ad-
hibitis, optatū finē cū honore sum cō-
secutus. Cū præterea intelligerē ean-
dem sēpenumero eo ipso morbo ten-
tari, vt partē huius vnguis collo appē-
sam iugiter portaret, iniunxi. quod
cū sedulò fecisset, quandiu ego in-
terfui, tribus nempe mēsis, ea semp
molestia caruit. Vnde mihi multoties
gratias egit. Sed si quis, cū applicat,
& exhibet hunc vnguem, spe, & fine
frustratur aliquādo; quæso, ne aut mē-
dacij notā mihi inurat, aut vngui om-
nino detrahat. Verūm rationē in con-
siliū adhibeat, & meminerit, morbū
ipsum, quando diutino tempore in-
ueterauit, & altas radices egit, diffi-
cillimè

cillimè euelli; licèt opportuna per se exhibeantur remedia. aliquando etiam vnguis ipse est virtutis expers, aut quia antiquitas, quæ omnia cōsumit, illam perdidit; aut quia idoneo tempore vnguis non est abscissus. non erraret etiam si quis frustratæ spei causam conferret in immoderatam, & ærumnosam ægri victus rationē. Nam Galenus in lib. de Theriaca ad Pamphylianum inquit: Nullum tam præstans in medicina remedium est, quod præstare eam opem, quam pollicetur, possit, cui victus ratio aut aduersetur, aut non adiumento sit.

*Partes huius animalis Qua
facultate agant in corpo-
ra nostra.*

CAPVT XI.

SI quis à me quæreret de istius animalis partibus, quas recensui, qua facultate agant in corpora nostra, an à qualitatibus primis, vel secundis, vel à tota substantia, quam proprietatem occultam, siue formam specificam appellat;

pellant; facile responderem; ipsas agere à tota substantia. quòd non agant à primis qualitatibus, paucis probatur. Cum. n. hæ partes temperamento frigidae sint, & siccae, ab his effectus huiusmodi effluere non potest. non quia frigida: alioquin contra medicos canones frigidus morbus curaretur à simili. non quia siccae: quandoquidem ipsarum tanta quantitas non exhibetur, quæ morbi causam exiccare valeat. A secundis quoque ipsarum qualitatibus nempe duritie, aut mollitie hunc fugari morbum, non tutum est asserere. non quidem à duritie; quam obtinent; alioquin ossa eiusdem animalis duriora contra eundem morbum efficaciora essent: quod compertum non est. præterea ab his qualitatibus nulla per se provenit actio. Sumpto igitur argumento à sufficienti partium enumeratione, statuendum est, ex modo compositionis, & commixtionis talis succi cum tali materia congenitam esse ipsis animalis membris qualitatem hanc, siue formam specificam, à qua sola propellitur hic sacer morbus, nō
E 3 aliter,

aliter, ac lupinum hepar hominis hepatis indurato, teste Galeno, eximiè medetur à tota substantia, non secundum unam, aut alteram qualitatem. & Monocerotis cornu, & lapis Bezoar abdita quadam proprietate omnia venena discutunt. qua de re vsu, non ratione talia sunt inuenta. quæ.n.inquit Galenus, agunt à tota substantia, experientia cognoscuntur. quæ verò operantur à qualitatibus, methodo sunt inuenta. At insurget in me aliquis Galeni limites nunquam egressus, & eos fortasse non benè contemplatus, qui dicet, non prudenter à me factum esse; quòd tam prolixa disputatione egi de hoc animali, & eiusdem partiù occulta proprietate, cò quòd Galenus de occultis disputare non soleat. Sed hæc crassa nimis est caligo oculis obducta; quam discutere non erit arduum allata distinctione, qua & caliginis, siue erroris fundamentum subuertetur. Eorum igitur, quæ secreta, siue occulta apud medicos, & philosophos dicuntur, tria sunt genera. Vnū, quod incognitum dicitur, quod tamē

mca

men in lucem veniet. alterum, quod paucis cognitum est, & idcirco apud homines in pretio est. tertium multis cognitum; cuius tamen causa ignoratur. hoc genus in disputationem non trahit Galenus; sed multa docet, quæ sub hoc sunt genere. Secundum quoque non omittit. at de primo sæpenumero disputat. Dierum criticorum causam occultam disputando quærit lib. 3. de diebus Decretorijs. mensem non modo occultum, sed qui ne vnquam alicui in mentem venerat, quem in quatuor criticas hebdomadas, & quaterniones octo diuidit, à se excogitatum nobis obtrudit. Cùm autem nihil sit naturaliter ignotum, teste Aristotele, & Auerroë, quis non disputaret, ac summis viribus non conaretur occulta quæque in lucem proferre, illustrare, ac omnibus patefacere? Si nemo vnquam de occultis disputasset, multa, quæ nunc nobis luce clariora sunt, occulta adhuc in tenebris iacerent. Vt autem antea dictis adhibeatur fides, sciât omnes, me hæc omnia, quæ scripsi, à probatissimis medicis, & ab

alijs non vulgaris famæ, & doctrinæ
viris prius accepta, partim multis ex-
perimentis cum felici successu com-
probasse, partim comprobata ab alijs
audiuisse. Ac præterea si quis hunc me-
um scribendi laborem superuacane-
um fuisse, liuido (vt aiunt) dente dice-
ret: propterea quòd de ijsdem ab alijs
grauioribus authoribus scriptum an-
tea fuerit, huic ita responsum sit; me
aliquos quidem vidisse, qui huius ani-
malis Historiam summis (vt aiunt,) di-
gitis attigerunt. qui autem exactam,
ac germanam Historiam tradiderit, ne
vnum quidem. cuiuslibet verò est,
quod deest addere, inquit Aristoteles
lib. I. Ethicorum. Sin in sua pertinacia
peristeret adhuc dicendo: hanc eandē
ab alijs antea satis superque pertracta-
tam esse (quod tamen ego olfacere nō
potui) saltem hoc vnum oro, vt hæc à
me fideliter scripta testimonij esse du-
cant loco pro confirmandis aliorum
scriptis, quæ aliquando fide carent
apud multos propter nouitatē rerū,
& locorū distantia, nisi aliquorū, qui
res ipsas viderint, accesserit authoritas.

FINIS PRIMÆ PARTIS.

57

EIVSDEM AVTHORIS
HISTORIA, SIVE TRA-
ctatus de Cervo Ran-
gifero.

CAPVT I.

DE singularibus, ac memo-
rabilibus Succorum Re-
gni quibusdam rebus ver-
ba facientes, genus illud
Cervorum, quos Rehen,
siue Rangiferos vocant, silentio prae-
terire non possumus. Rangiferi itaque
cerui in Suecia tantum, vt audiui-
mus, reperiuntur in intima parte Regni, ex
quo fit, vt paucis noti sint. Non.n.
multi intimas illas, frigidissimasque
partes petunt. Nos verò, cum inde de-
ducuntur ad Regem, opportunam na-
cti occasionem horum planè cognos-
cendorum, hanc nostram cognitionē
ceteris omnibus patefaciendam esse
duximus. sunt igitur illi Cerui tam al-
titudine, quàm crassitudine a sello pa-
res: tibiæarum gracilitate superant. ca-
put

E 5

put

put habent instar vituli: Collum iuba-
tum velut equus, vt Olai Magni verbis
vtar. cornua frondosa, læuia, gracilia.
oblonga, ad tergum porrecta: Cetera
habita ratione, & seruata magnitudi-
nis proportionē ceruos communes
imitantur. in lapidosi locis degunt.
musco, qui in lapidum superficie, &
arborum cortice innascitur, vescun-
tur. alijs herbis, & frondibus non vesi-
dicuntur: propterea rex rupem, & col-
lem quendam sepe, ac veluti muro ex
lignis constructo circundedit; Quò
circiter triginta inclusit, & alit. in hye-
me, quando niue omnia operta sunt
illi abiecta niue lapides detegunt, vt
inde, vel ex truncis arborum victum
petant. Si qui habentur in stabulis,
eodem musco recenter, aut antea
collecto pascuntur. Olaus tamen Ma-
gnus inquit: cibus bestię est monta-
nus muscus in hyeme; in æstate folijs,
& frondibus arborum vescitur stan-
do, eundoque melius, quàm se incli-
nando. Ceterum non admodum sunt
immites, & feri, quando in suis locis
liberè degunt: quando autē aliquan-
diu

DE CERVO RANGIFERO. 59

diu apud homines in usu, ac veluti
hospitio fuerunt, ferè cicures euadunt.
extra Sueticam terram, & maxime vl-
tra mare si deuehantur, non superui-
uunt. Hoc experientia compertum
est. Nam cum aliquando ex ipsis 20.
naugio ad principem Pruthenorum
deuecti fuissent, breui temporis spa-
cio vitam finiuerunt. Idem, Olaus
quoque dicit, asserendo mortem illis
accidere ob cœli, solique mutationē,
aut insolitam escam. Habita ratione
magnitudinis ipsorum, multum ro-
boris habent; multi sunt laboris, ac
velocitatis. Hoc Cardanus non igno-
rauit. inquit. n. Cicurant Rangiferos
in Laponia captos. nascuntur. n. ibi, &
essedis iunguntur, superantq; equorū
loco CL. millia passuū in die. & Olaus,
quē authorē libēter sequor in his, quæ
michi incerta sunt, ait: Rangiferi de
Ceruorū genere, sed proceriores, robu-
stiores, velociores, quasi iugales oneri-
bus nō exiguis milliaria Italica prope
CC. (alibi CL. habet) cōficiūt, ac seslo-
rē admittūt. idē quoq; ait: Domestici
aptantur currulib⁹ plaustis, optimeq;
grauif-

grauissima plaustra per rura, camposque deducunt. In usu sunt tam apud Regem, & aulicos, quam apud plebē pro vehiculis (Slittas vocant) trahendis tempore hyemis per glaciem, & nives. mare quippe illud angustum, & lacus omnes gelu concrescunt ita, ut sex, aut septem anni mensibus tuto quouis modo superambulare, & currere possis. Vnde Ouidius cum in Ponto exularet, huius rei non ignarus, ita cecinit lib. 3. de Tristibus.

Quaq; rari ierant, pedibus nunc itur, & undas

Frigore concretas ungula pulsat equi.

Perq; uouos pontes subterlabentibus undis

Ducunt Sarmaici barbara plaustra boues.

Vnus itaque ceruus vehiculum trahens, præcedit, qui per habenas ad cornua alligatas, & baculo siue flagello dirigitur, & compellitur. alter alligatus vehiculo, ita sequitur alterum præeuntem: ut cum hic vehiculum trahendo defessus fuerit, ille laborem subeat: & defessus vehiculo alligatus, sequatur. alternatim itaque vehiculū trahunt, & à labore cessant. lassitudinis ipsi dant signum. sistunt. n. gradum, & linguam

linguam cum anhelitu proferunt de-
fessi. ita tandem velociter incedunt, vt
spacio 12. horarum æquinoctialium
vltra centum millia passuum iter con-
ficiant. Horum animalium multa, &
numerosa armenta solent habere ru-
stici, non solum percipiendi lactis cau-
sa, vt etiam affirmat Cesar Scaliger, sed
etiam vt carnibus istorum vescantur
omnes. Quod autem ad medicam fa-
cultatem attinet, neminem audiui,
qui cornibus, aut vnguibus, aut alteri
corporis membro virtutem, aut fa-
cultatem aliquam assignauerit. Apud
tamen vnum Olaum hæc legi: Carnes
animalis optimæ, & salubres sunt sale,
& vento ficcatae, vngulae spasmaticis
profunt. Pharmacopæi ipsi dicunt, se
rusticis vendere horum ceruorum cor-
nua pro alijs, qui in frequenti vsu sunt
apud omnes.

*Quantum potuerit veritas
apud authorem.*

CAPVT II.

HAEC equidem satis superque
existimaui esse pro certa co-
gnitio-

gnitione huius cerui Rangiferi. Sed quia Iulius Cæsar Scaliger multæ eruditionis, ac nominis vir, dum Cardani subtilitates ceu mendosas expurgare contendit, & vigilantissimum Plinium ignaviæ accusat, de hoc cerui genere quædam sibi incerta pro certis affirmat, non absurdum, neq; ab hoc tractatu alienum fore duxero, si, veritatis stabiliendæ causa, ac remoto omni ambitionis, & popularis auræ studio, in quibus hic potius lapsus sit, quam ille, patefecero. Ac licet inciderim in hæc tempora, quibus, si vnquam antea, veritas odium parit, multi reperiuntur homines; qui, vt aliquem, in cuius verba iurarunt, quoquo iure, quaque iniuria, tucantur, ac sustineant, alios vel benè sentientes, & simplices veritatis amicos, rabidis dentibus inuadunt, perterrefaciuntque, contradictionem minitando; vt consiliū mutē haud vllius minis deterreri possū. Ad hanc enim rē mihi tanquā aculei erant verba Platonis Epistolæ 7. Per multū abest, inquit, vt vir studiosus de ijs, quæ reuera digna sunt studio, scribens

DE CERVO RANGIFERO. 63

bens hominibus se simul, & sua invidia, ambiguitatiq̃ue subijcere debeat. quare hæc mecum ipse voluebã in animo: quantum, ego lucis attulero huic Rangiferi Historiæ, sordes expurgando tantum illi tenebrarum offundent contradicendo. Vnde, ut antea res, in tenebris iacebit, & adhuc sub iudice lis erit. & quando elucescet veritas, cum res sit eiusmodi, ut inter litigantes nemo testimoniũ dicere, aut ius certum reddere possit? opus. n. esset aliquo æquo iudice, qui in rem præsentem, ut ita dicã, venisset, & optimè omnia lustrasset. Ego tamen veritatis causa, qua nihil est sanctius, nihil fortius, Scaligeri eruditissimi viri pace, intra modestiæ limites permanendo, re animo iam conceptam aggrediar, atque id sine vlla formidine, admonitus quoq; Aristotelis verbis, & exemplo; qui cum Socratis, & Platonis Idæas esset oppugnaturus, inquit: Amici sunt, qui formas introduxerunt. Sed forsitan rectius esse, & oportere videretur, ut pro veritatis salute unusquisq; & præsertim philosophi sua quoq; propria refutarẽt. Nam
licet

licet amici ambo sint, sanctum est veritatem ipsis in honore anteponere.

*Observationes quædam adhæc
Historiam facientes ex subtilitatibus Iulij Cæsaris*

Scaligeri.

CAPVT III.

Iulius Cæsar Scaliger in suo libro, quem de subtilitate ad Cardanum inscribit Exercitat. CCVIII. dum de hoc cerui genere verba facit, eo consilio, vt Cardani scripta castiget, duos nominat Alces. vnum, quem C. Iulius Cæsar in Comment. de bello Gallico describit; alterum, quem nos antea Rehen, & Rangiferum appellari diximus. Sed hunc non rectè. Nam apud Succos, vbi tantum reperitur hoc animal, nemo vnquam vocauit Alcem; neque apud aliquem, qui de hoc aliquid scripserit, Alces nomine appellari hætenus legi. Cardanus de C. Cæsaris Alce tantum meminit. Prutheni verò, & Lithuau Medici, & ex recentioribus scriptoribus quidam multæ
lectio-

DE CERVO RANGIFERO. 65

lectionis, & eruditionis vir, præter Cæ-
 saris Alcem, non hoc cerui genus aliū
 Alcem ducunt, sed illud, quod Carda-
 nus Magnum nuncupavit animal. So-
 lus itaque Scaliger Alces nomine de-
 corat hoc cerui genus. quod non rectè
 etiam Hellend vocat. Nam apud Pru-
 thenos, Pomeranos, & omnes ferè
 Germanos hoc nomen Hellend mise-
 riam significat: & propterea ipsi appo-
 sitè hoc nomen Hellend indiderunt
 illi Magno animali: quod ipse Scaliger
 cum Plinio describens vocat Bisontē,
 & ab alijs Elg, Suber, & Aurox nuncu-
 pari dicit. nec immerito hoc miseriæ
 nomen inditum est illi: miserrimum
 n. est animal propter eas causas, quas
 in ipsius Historia diximus. hoc verò
 nomen ceruo Rangifero convenire,
 nulla subest ratio, quæ dictet. neque
 hætenus sciui ab aliquo sic appellari;
 cū tamen summo studio multos ibi
 sim percunctatus de nominibus, ac
 conditionibus ipsius animalis, ut inde
 veram, ac Germanam Historiam ex-
 portare, quam mihi iam diu scribē-
 dam esse proposueram. Hæc igitur no-
 men-

F

men-

menclatura soli Scaligero accepta referatur. Is etiam non rectè sensit, dum scribit cornua Rangiferi, lanugine quadam esse obducta. ego. n. rem non ita se habere comperi. Nam non semper lanugine illa sunt obducta, sed tantisper dum pullulant, & crescunt. postquam autem ad congruam, & statutam longitudinem, & crassitiem excreuerunt, lanuginem illam, veluti corticem siccata, quæ tenella cornua vestiuit, alicubi fricando deponunt: idque statuto tempore, sicuti in alijs ceruis obseruatum est. quod maximè ipsis contingit mense Aprilis, ut inquit Aristoteles; quando hircire, & in venerem ferri incipiunt. Neque necessitas est aliqua, quæ cogat cornua ipsa perpetuò lanugine tegi, ac vestiri. Nam cum natura, quæ omnia alicuius gratia facit, hanc sensu præditam, ac sanguine imbutam dederit illis, ut ipsa tegendo foueret, fouendo augeret ad terminatam longitudinem, crassitiem, ac duritiem; (quod certo tempore perficitur) superuacanea est ipsa lanugo, postquam suum præstitit officium,

DE CERVO RANGIFERO. 76
um, quod tunc temporis ipsa obiuit,
quando cornua metam illam attige-
runt. Natura. n. vt inquit Auerroës, nō
cessat mouere rem, donec perueniat
ad suam vltimam perfectionem; &
tunc cessat. Non est igitur aliquid de
aliquo simpliciter affirmādum, quod
non semper adest illi; quod si adesset,
plerumque esset frustra: natura autem
nihil agit frustra, nihil superfluè. Si
quis præterea consideraerit, cur na-
tura huic animali, & alijs quibusdam
cornua dederit, non poterit, non fate-
ri, si hac lanugine perpetuò tegantur,
nullius prorsus esse vsus. Nam, vt ipse
in cicuribus ceruis animaduerti, & à
venatoribus audiui: cerui non vtun-
tur cornuum seruitio, non ferunt as-
perum tactum, non petunt homines:
sed fugiunt, quandiu cornua lanugine
teguntur. nudis verò cornibus quo-
modo vtantur, & quo impetu ir-
ruant in obuios quosque, multo-
rum periculosa, aut exitialis expe-
rientia, & exitus docet. Cùm in-
super scribat Scaliger, ceruos istos
multum itineris conficere inoffen-

so tenore, non benè sentire videtur. Non enim ita multum itineris faciunt incessanter, sed alterna requie, ut antea à nobis dictum est. Quare, quod duorum opere, & labore perficitur, uni attribuendum non est. Falsò quoque Cardanum accusat; quia scripsit, hoc animal carnea promuscide munitum esse. Nam Cardanus hanc promuscidem non C. Cæsaris Alci, non alteri à ceruo Scaligero inuento, qui proprie Rangifer appellatur: sed Magno animali attribuit. Ille verò hallucinatur dum intellexit, eam attributā esse Rangifero. Nec Plinius ignavia erat accusandus; quod Alces posito nomine nullum vel de natura vel de figura verbum fecisse videatur. is. n. satis ad viuum Alces figuram expressisse videtur; cum similem dixit iumento animalium notissimo, ni proceritas aurium, & ceruicis distinguat. sed mea sententia dicendum potius erat, Plinio penitus ignotum fuisse Rangiferum animal, quàm Alces nomine vocatum. quandoquidē per Alcen hoc, quod Magnum dicimus animal, non
Rangi-

DE CERVO RANGIFERO. 69

Rangiferum intellexisse videtur; ut ea
testantur verba: iumento similem.
quippe quòd non hoc, sed illud ani-
mal iumento simile est. At de Rang-
ifero ne somniasse quidem videtur;
cùm nusquam vel nominis, vel figu-
ræ, vel naturæ meminerit vnquam.
Hæc sunt, quæ ad hanc Historiam fa-
cientia observaui ex subtilitatibus ce-
leberrimi viri. quæ omnes in bonam
partem accipere debent; cùm hoc non
ideo fecerim, ut illius dignitati, existi-
mationique aliquid detraherem, sed
veritatis tuendæ causa. Cur hoc face-
rem, cùm ego illi neque doctrina, ne-
que eruditione sim comparandus? &
plurimū illi tribuat doctissimus quis-
que? At lapsus est, dicet aliquis. quid
tum. homo erat, & omnium habe-
re memoriam, in nulloq; pec-
care, potius diuinum est,
quàm humanum.

(∴)

F I N I S.

F 3

HISTO-

70 HISTORIA
HISTORIA, GVLONIS,
sive, Filfros animalis.

INTER cetera animalia, quæ soli Sueciæ attribuuntur, est etiam illud, quod ipsorum Suecorum, ac etiam Germanorum lingua Filfros, id est multum vorans, nominatur: & à Cardano cognitum lib. 10. de subtilitate, describitur sub nomine Rosomachæ, seu Gulonis. Hoc ipsum an in Lithuania inueniatur, intelligere non potui; cùm multos diligenter sim percunctatus huius viri auctoritate motus. Animal itaque hoc viuum non vidi, sed ipsius pellem per tractaui. quare quæ ipse vidi, & ab alijs ibi audiui, breuiter referam. Longitudine, & altitudine parum superat Vulpem, crassitudine multũ. cauda paulò breuior. subnigro est colore. pilorum longitudine, & densitate Vulpẽ equat, mollitie, & gracilitate superat. vnde fit, vt ipsius pellis mollis sit, tactui iucunda, & delectabili colore. propter quas conditiones, & paucam copiam
magno


magno pretio etiam apud Suecos veditur, & est in usu apud principes, & primarios homines. Ferunt animal ipsum esse edacissimum, ac voracissimum: nullam. n. ferè comedendi intercapedinem facit. ex quo venter multū intumescit: & quando nil aliud capere potest, neque illud, quod habet, citò egerere; ac insuper ingerendi desiderio ex sua natura semper teneatur, egerendi hanc opportunitatem, & modum quærit, vt iterum, ac sæpius ad inexplebilem satietatem vsque ingerat. Quærit itaque duas arbores ita prope terram vicinas, vt capite præmisso venter tumidus per illas transire non possit. Vi igitur, & impetu facto in angustum illum transitum se conijcit, vt transeat. quod tandem assequitur, dum venter eius hinc inde pressus, quod intus habet, in partes posteriores propulsum excernit. Olaus autem Magnus cum hoc ipsum animal sensu fortasse oculorum cognitum eandem voracitatem recensendo describat, ab re non erit, ab eo quoque alia quædā huc plenioris doctrinæ causa trans-

F 4

ferre;

ferre; quibus cum laude Dei Opt. Max. huic opusculo coronidem impone-
mus. Magnitudinem itaque, & figurā
animalis ita exprimit: Grossities eius,
vt magni canis; aures, & facies velut
cati; pedes, & ungulæ asperrimæ; cor-
pus villosum, & prolixorum pilorum
subfuscorum: cauda, vt vulpis licet
breuior, sed crinium densiorum. Caro
omnino inutilis. Sed pellis multum
commoda, & pretiosa: Quibus quoq;
insidijs circumueniant animal, his ex-
plicat verbis: Venatores in siluam ca-
dauere recens portant. quod dum ani-
mal comedit, sagittis (hoc tempore
paruis bombardis) conficiunt; vel in
foueas, & cauernas cadauer reponunt,
ibiq; animal conficiunt occupatum.
Ungulas, & dentes adeo acutos habet,
vt eius congressum formident canes,
qui in ferocissimos lupos vires suas ex-
tendere solent. Idem quoque hæc ha-
bet: Dormientibus sub harum pelli-
um tegumentis euenire solent som-
nia quasi eius animalis vitæ, naturæq;
conformia in insatiabilitate deuoran-
di, & bestijs insidijs faciendis, & præca-
nendis.


nendis. His etiam pellibus induti bibendo, & comedendo nullum saturitatis vestigium relinquunt. ex huius intestinis chordæ pro citharædis conficiuntur. vngulæ in modum circuli vertiginosis capitibus, & tinnientibus auriculis appensæ celeriter recuperandæ sanitati profunt. Sanguis aquæ calidæ admixtus venatoribus est pro potu, & melle conditus propinatur in nuptialibus triumphis. pinguedo putridis ulceribus illinita plurimum confert. Dentium vsus incantatoribus patrocinatur vngulæ recenter extractæ, & demonstratæ canes, catosque fugant, vti aniculæ viso vulture.



F I N I S.

F S REMBER-

74
REMBERTI DODONAEI
MEDICI CAESAREI,
*De Alce ad Lectorem
Epistola.*



Vandoquidem Apolloni-
us Menabenus feram lucu-
lenter describens, magni
animalis nomine, Sueciæ
ac Septentrionis regionibus familia-
rem ac indigenam, Elend patria voce
nuncupatam, de eius nomine apud ve-
teres ambigere videtur; & Alcen esse,
præsertim à Iulio Cæsare in Commē-
tarijs de bello Gallico lib. VI. descri-
ptam, Hieronymo Cardano neganti
consentit, operæ precium, ac non in-
utile, nec studiosis veritatis ingratum,
me facturum existimaui, si quæ de Al-
ce apud veteres nonnullos extant in
medium adferrem, & omnibus cog-
noscenda proponerem: vt sic collatis
cum animali Succo horum descripti-
onibus, veritas magis elucescat. Sed
prius quàm cō perueniamus, admo-
nendus

nendus es mihi amice Lector: Veteres qui de Alce scripserunt, non plenam perfectamque eius notitiam, sed ex relatu tantummodò, quæ memoriæ prodiderunt, habuisse. Nullus etenim integrè eam describit, sed quædam solum ex ipsius conditionibus ac proprijs adfert. De regione verò in qua gignantur plerique incerti quoque sunt. Pausanias siquidem feram Gallicam esse: Strabo in Alpibus hanc vivere ex Polybio refert: Cæsar verò in Hercynia sylva nasci. Quæ tamen non in his locis, sed in ijs reperitur, quæ amplius ad Septentrionem vergunt. Quemadmodum in gentium Septentrionalium Historia Olaus Magnus scribit, & veritas se habet. De Alcis autem forma Pausanias quidem lib. V. non nihil attingens, Maribus, ait, è supercilijs cornua prodire: feminæ verò nulla esse. Libro verò IX. de hac eadem latius scribens hæc habet:

Est etiam fera, quam Alcen dicunt, media quadam inter ceruum & camelum specie: gignitur in terra Gallia: belluarum hanc unam,

neque.

nequeunt homines aut inuestigare, aut praesidere:
 sed alias indagantibus feras, hanc non consultò,
 sed fortuitū nanciscuntur. Praesentit aliquis ho-
 minem olfactu, ex longo intervallo, ac statim in
 reclusos anfractus, & speluncas confugit. Vena-
 tores ubi campestres vel montanos saltus ad sta-
 dia ferme mille in orbem continēti indagine cin-
 xerunt, ita ut constanter omnes, quem quisque ca-
 perit in eo ambitu locum obtineant, ad intimos
 eadem agminis forma recessus progressi, feras om-
 nes in medio comprehendunt, & inter eas Al-
 cen, quae si fortē lustrum in ea quam obsederint
 regione non habuerit: nulla utique reliqua est ad
 capiendum solertia. Strabo Geographiae
 lib. III. quædam & de Alce ac alijs fe-
 ris ex Polybio adducit. Habent, ait, Alpes
 equos agrestes, & boues. utq; memoriae tradidit
 Polybius, peculiaris forma belluam gignunt, ha-
 bitu quidem ad cerni staturam, collo duntaxat
 excepto & villis, in quibus capro perquam simi-
 lis est, geritq; sub mento carnis globum ad palmas
 magnitudinem capillosum, crassitudinem pro
 equini pulli candida habentem. Meminit verò
 & Alces Iulius Solinus in suo Polyhi-
 store cap. XXIII. inter feras Septentri-
 onis: In omni, inquit, Septentrionali plaga Bi-
 fontes frequentissimi, qui bubis feris similes, setosi
 colla, inbas horridi, ultra tauros pernicitate vi-
 gentes, capti assuescere manu nesciunt. Sunt &
 Vri,

Vri, quos imperitum vulgus vocat *Bubalos* cum *Bubali* penè ad *cervinam* faciem in *Africa* procreentur. *Istis* porrò, quos *Vros* dicimus, *taurina* cornua in tantum modum protenduntur, ut demta, ob insignem capacitatem, inter regias mensas *pinum* gerula fiant. Est & *Alces* multis comparanda, adeò propenso labro superiore, ut nisi recedens in posteriora vestigia pasci non queat. *Scandinavia* insula à regione *Germania* mutis animal, quale *Alces*, sed cui suffragines, ut elephantis, flecti nequeunt: propterea non cubat, cum dormiendum est, tamen somnolentum arbor sustinet, quæ ad propè casuram secatur: ut fera, dum assuetis fulcimentis innititur, faciat ruinam, ita capitur: alioqui difficile est eam manu capi, nam in illo rigore poplitum incomprehensibili fuga pollet. De his verò & *Plinius* lib. VIII. cap. XV. ferè ad verbum, sed ordine dictionis in nonnullis permutato: Nam quod *Solinus* de labro *Alcis* propendente habet, id *Plinius* feræ sibi *Machli* appellatæ, non rectè ascripsit; ut & in marginibus nonnullorum *Plinij* exemplariorum rectè & diligenter annotatum. *Plinij* autem verba sic habent. *Paucissima* *Scythia* gignit, inopia fructuum: pauca contermina illi *Germania* insignia tamen boum ferorum genera, iuatos bijones excellenti-

cellentique & vi & velocitate vros, quibus imperitum vulgus bubalorum nomen imponit, cum id gignat Africa, vituli potius ceruicis quadam similitudine. Septentrio fert & equorum greges ferorum, sicut asinorum Asia & Africa: preterea Alcem, ni proceritas aurium & ceruicis distinguat iumento similem. Item notam in Scandinavia insula, nec unquam visam in hoc orbe, multis tamen narratam, Machlin, haud dissimilem illi, sed nullo suffraginum flexu: ideoque non cubantem, sed acclinem arbori in somno, eaque incisa ad insidias, capi, alias velocitatis memorate. Labrum ei superius prae grande: ob id retrograditur in pascendo, ne in priora tendens inuoluatur. Haecenus Plinius: qui si haec ex Solini Polyhistore non transcripserit, ex aliquo alio habuit, unde & sua Solinus deprompsit, qui paulò ante Plinium, vel eodem tempore vixisse existimatur. Transposita autem ea verba in Plinio, quae antè admonuimus, ex ipsius Solini verbis & dictione patet. Cuius exemplaribus maior habenda videtur fides, non modò, quòd auctor diligentior habeatur, sed & quòd & haec ipsa minus vitiata ad posteritatem peruenerint, quàm Pliniana, varijs locis saepè corrupta aut mutila.

Sed

Sed ad Alcen redeamus. De qua quæ
 hætenus ex veteribus in medium at-
 tulimus, ita magno animali Sueco
 conueniunt, vt in nullo repugnent,
 & sic quidem vt veterum veram Al-
 cen esse negandum non videatur.
 Menabenus cornua adesse mari scri-
 bit, feminæ verò nulla. quod & de Al-
 ce Pausanias. Labrum illi tam ma-
 gnum esse affirmat, vt in pascendo
 impedimento sit futurum, nisi ani-
 mal retrogrediatur. Solinus & Plinius
 de Alce simile referunt. Pili ma-
 gno animali Sueco maxima proli-
 xitate propendent, Strabo Alcen
 animal esse habitu ad cerui staturam,
 collo duntaxat & villis exceptis, in
 quibus capro perquam similis. Ad-
 dit verò Strabo Alcen sub mento
 gerere carnis globum ad palmæ ma-
 gnitudinem capillosum: hoc quidem
 Menabenus nō refert, sed Gesnerus in
 animalium quadrupedum Historia,
 Alcis imaginem cum globoso quodā
 sub mento dependente exhibet. Iam
 & Alcen hoc magnum animal Elend
 dictum

dictum Sueciæ ac Septentrionalium
 illarum regionum Medici Alcen Lati-
 nè nominant. Olaus Magnus in genti-
 um Septentrionalium Historia Alcen
 quoque appellat. Atque hæc quidem
 hætenus omnia magnum illud ani-
 mal Suecum, Elend dictum, Alcen ve-
 ram & legittimam esse comprobant.
 Sed repugnat Hieronymus Cardanus;
 Alce etenim fera, quam Iulius Cæsar
 descripsit, differens est ab hoc magno
 animali Sueco, vt ex ipsius descriptio-
 ne manifestò apparet: rectè quidem
 idcirco Cardanus sentit, nam Alce
 Cæsaris non est magnum illud animal
 quod Elend dicitur, sed omninò alia
 fera, & illa quidem, quam absque no-
 mine Solinus ex Scandinauia insula
 mitti ait, cuique suffragines flecti ne-
 queunt, quæ Plinio Machlis dicta est,
 vt ex ipsius Cæsaris verbis, si cum Pli-
 nij ac Solini conferantur, mox appa-
 rebit: quæ sic habent. *Sunt item (in Her-
 cynthia videlicet sylua) quæ appellantur Al-
 ces. harum est consimilis capris figura, & varie-
 tas pellium, sed magnitudine paulò antecedunt:
 mutilæq; sunt cornibus, & crura sine nodis, arti-
 culisq;*


culisque habent, neque quietis causa procumbunt: neque, si quo afflicte casu conciderunt, erigere sese aut subleuare possunt. his sunt arbores pro cubilibus, ad eas se applicant, atque ita paulum modo reclinata, quietem capiunt: quarum ex vestigijs cum est animaduersum à veratoribus, quo se recipere consueverint, omnes eo loco, aut radicibus subruunt, aut abscindunt arbores tantum, ut summa species earum stantium relinquatur. huc cū se cōsuetudine reclinauerint, infirmas arbores pondere affligunt, atque undè ipsæ concidunt. Ex his autem vel luce clarius apparet, Cæsarem non Alcen, sed Machlin ostendisse, & non rectè Alcis nomen huic tribuisse, ut & Scaliger testatur. Proinde & Cardanus magnum illud animal Suecum Cæsaris Alcen esse rectè negauit: Sed tamen Machlin esse non rectè idcirco consequitur. Magno animali suffragines flectuntur, absque flexu Machlis has habet. Neq; aduersatur nobis quòd labrum superius prægrande Machli Plinius tribuat, veluti magno est animali: Nā superius ostendimus hæc verba transposita esse, & ad Alcen referenda, veluti Solinus habet. Magnum igitur animal Suecum, Elend dictum, non

G

Iulij

82 EPISTOLA AD LECTOREM.

Iulij Cæsaris Alce, nec Plinij Machlis est, sed aliorum veterum Alce. Appellat verò & hanc Olaus Magnus Onagrum, sed Onager sylvestris est asinus, solidos habens ungues & cornibus carens: Alce autem bisulcum est animal, & mas cornua habet. quamobrem rectè Onager dici non potest. Et hæc quidem de Alce nobis dicta & scripta breuiter sint, quæ speramus, non modò reliquis lectoribus, sed & Apollonio Menabeno non iniucunda nec ingrata futura, cum ad ipsius magni animalis descriptionem non parum faciant, ac lucis & veritatis conferant. Vale, Colonię
Calendis Maij.



TYPO.

83

TYPOGRAPHVS LE-
CTORI, S.

*Studiosis omnibus cupientes gratificare
modis, & restantibus al. quot paginis ociosis, hic
adijcienda existimauius, quæ in Gentium Sep-
temtrionalium Historia Olai Magni de Alce
reperiuntur, desumpta ex Lib. XVIII. cap. I.
II. III. quæ sic habent:*

*De Alcibus, seu Onagris,
& siti eorum.*

CAPVT I.

Ræmissis animalibus do-
mesticis, humano vsui fa-
miliarius inseruiantibus,
ac etiam syluestribus, in si-
mili effectu idem facientibus: cum eis-
dem solitudinem deinceps alias feras
oportebit adducere, atque in primis
Alcem, vsitatiore modo syluestrem
onagrum apud omnes Aquilonares
interpretes appellatum: de cuius natu-
ra, magnitudine, vsu, ac proprietate,
cum nō exigua altercatio sit inter scri-
ptores naturales, prout Irenicus Ger-
mani-

manicarum rerum diligens Historicus
& scriptor, lib. 7 cap. 14. monstrat: ho-
nestum æstimabitur, vt opinionibus
auditis, vagabundo alioquin animali
certa tribuatur origo propaginis, vt
sit in Aquilone, vnde tot millia eius
generis pellium magnis nauigijs ex-
portantur vltra mare. Cæsar libro 6. vt
capras esse putat. Plinius lib. 8. cap. 15.
iumentum, aut alij animali comparauit:
ceruicis tamen, & aurium proceritate
distingui à iumento. Has tamē in Her-
cinia Cæsar ponit, Solinus in Germa-
nia, Hermolaus Barbarus in Gallia
Transalpina: & medium tenere inter
cerui, & cameli magnitudinem, ait.
Multa Iulius Capitolinus, & Pausani-
as. Hermolaus Alces inuentu raras ef-
se scribit, quòd & Plinius nunquam in
hoc orbe visas putat. Ad vltimum ta-
men eas in Scandinauia (id est extre-
mis regionibus Aquilonis) ponit, atq;
somno arbore decisa capi. Solinus pro-
penso labro ipsas scribit, vt nisi in po-
steriora recederent, ali non possent.
Hermolaus olfactu è longinquo ve-
natorem eas sentire æstimat. Zachari-

as Lilius varijs pellibus eas formauit,
& magnitudine capras antecellere,
crura earum sine nodis rigere, vt cum
ceciderint, eleuari non possint. Recē-
tiores autem conformius sentiunt, vt
Alces sint ab Aquilone, tanquam lo-
co originis, multiplici ratione pro-
deutes, vbi vulgariter Elg, aut Elgar
appellantur. Pulli autem venatorum
industria capti, ita successiue mansue-
cunt, vt naturali urgente siti, epotent
maxima ceruissæ vasa, à discumbenti-
bus eisdem propinata. Qua autem le-
ge id fieri soleat, respondeant ipsi in-
satiabiles potatores.

*De Alcium medicinis dextri pedis, &
captura earum.*

CAPVT II.

VNgula exterior dexteri lateris, pedis
posterioris, onagri masculi, qui non ge-
nuit, abscisa à viuo pede securi, vel alio in-
strumento auulsa post mediū Augusti, spaf-
mum, aut morbum caducum patienti adhi-
bita, continuò sanat. Simile scribitur de pel-
le hippopotami, quod è sinistra parte frontis
inguini alligata, venerem inhibet. Alces igi-
tur instar ceruorum gregatim in vasta soli-
tudine

tudine vagantur, insidijsque extensorum telorum, industria venatorum sapissimè capiuntur, vel maximorum canum insultu retruduntur in antra rupium, vt inde rarò viuæ euadant: imò quiescentes humi, vel erecti stantes onagri maximi, à minima quandoq; mustela guttur insiliente mordentur, vt sanguine decurrente, illicò deficient morituri. Adeò insatiabilis est hæc bestiola in cruore sugendo, vt vix similem suæ quantitatis habeat in omnibus creaturis. Hacq; bestia canis imposita, chordaq; directâ, quidam prædantur nidos hirundinum, columbarum, & gallinarum, vt earum extrahant pullos: quibus mirè insidiatur, hoc solo instinctu, vt sanguinem sugat, quasi ventrem haberet elephantem maiorem. Sic & Plinio autore lib. 8. cap. 25. icheneumon per fauces, vt telum aliquod, illabitur in os crocodili, eiusque erodit aluum. Sic & erinacius vrsus, & minimus serpens interemptorem, imò & ipsi Delphini cultellato dorso Nilum ingredienti, suum hostem interimunt crocodilum: vbi alioquin impares viribus essent extra amnem. Callent enim in hoc cuncta animalia, sciuntq; non modò sua cōmoda, verū & hostiū aduersa: nōrunt sua tela, nōrunt occasiones, partesq; dissidentiū imbelleis. In ventre mollis, tenuisq; cutis est Crocodilo: ideò

se

se ut territi immergunt Delphini, subeuntisque alium, illam secant spina. Nec solæ bestiae aduersantur crocodilo, sed & gens Tentyri-
carum ferox, & pusilla: quæ (ut supra capite 20 lib. præcedenti dictum est) minaci vultu, & manu audet inire conflictum cum croco-
dilis: qui timidos fugant, & audacibus mini-
mè resistunt.


*De pugna Alcium, seu Onagrorum
contra lupos.*

CAPVT III.

SED nec sufficit commodo, atque utili
animali homines sustinere venatores te-
lis asperis, sagittisque latis, millenis insidijs
se in vasta solitudine impetentes: imò &
bestiolas contemptibiles, mustelas scilicet
præmissas, respectu tam proceræ altitudinis
suæ: nisi & ferocissimos lupos, montanos
præsertim, sufferat insidiatores: eo videlicet
modo, ut cum asperrimæ hyemes sint, den-
sæque niues, ipsi lupi fame pressi, heremi la-
tebras vasto agmine circumeuntes, expostu-
lent prædam: lacubusq; congelatis onagros
inesse speculantur: in quos irruentes, & vn-
gulis, & cornibus vel interimuntur, vel effu-
gantur. Tanta enim vis est in ictu vngulæ, ut
illicò tactum lupum interimat, aut fodiat:
quod sæpius in canibus robustissimis vena-
tores

88 OLAI MAGNI DE ALCE.

tores experiuntur: imò elabente cane, opposita arbor illiditur, quasi fungus adesset. Onagri naturæ instinctu, ut proximo superiore cap. monstratum est, norunt apta certamini loca, scilicet in lubrica glacie, in qua macronatis ungulis sunt solidiores, ubi lupi quasi in vaginis ungulas retinent viribus vacuatas: atque ita in conflictu manentes, non procul absunt venatores, qui fatigatam partem prælio excedentem, ad interitum usque subsequi solent, alieno periculo prædas opulentiores conquirituri. Fit enim atrox certamen, ut pauci onagrorum, at multi luporum lacerati linquantur: quos ob pellium valorem venatores acceptant, atque interim onagri, seu Alces, in tuta recedunt. Lupi procul dubio super congelatum niuium cacumen, tanquam leuius insultantes, exciperent victoriam, ubi Alces graui pondere niuibz immersæ lupis fierent esca. Ita prouidens natura (ut supradictum est) unicuique animanti idoneum campum pro sui defensione distribuisse videtur.



FINIS.

